



20-T.W. 96 (2°)
v316

Bibliothek
der
Königlichen Kunst-Akademie
zu Düsseldorf.

Nr. des Cataloge.

Verf.: Lantensack, Heinrich (1522-68)

"Des circuels und Richtscheyt, auch der
Perspectiva und Proportion der Menschen
Kurtze doch gründliche unterweisung (Unterweisung)"

Schlöser, S. 246

Nicht ausleihbar

Am
vnd
159



hagen Ge
meinlich
Bischöf
junge
ein man
des nach
ng sich
gut in Zeit
Zerwegen
zu den Ha
Klugheit
wünsch
bey mir
verfendig
wirdoch
wunderhale
haffen hat

Dem Ehrwesten / Wüirdigen
vnd Hochgelehrten Raymundo Pio Fickhart/
beyder Rechten Doctorn/meinem Großgünstigen
Herrn/vnd lieben Gevatter.

Nach dem die Kunst Perspectiua
genandt/ vnder andern Mathemati-
schen Künsten nicht die geringst/ die-
weil offentlich am tag/ was nutz vnd
frommen dieselb allen Kunstliebenden
werckleuten bringē thut / bevor-
ab / Goldschmiden / Malern / Stein-
metzen / Schreynern / vnd auch den Bauweistern / sampt ge-
meiniglich allen andern vnzalbar / so sich des Circels vnd
Richtschepts künstlich gebrauchen / Welcher massen auch die
jenigen / so dieser Kunst wissend tragen / mit iren wercken de-
ren vnwissende vbertreffen / Erscheinet der massen / das sol-
ches nach lenge zubeweisen vnnotig. Vnd aber bishero we-
nig sich solchs verständlich / klar / vnd deutlich der Jugend zu
gut in Teutscher sprachen herfür zubringen / vnderstanden /
Derwegen auch vnder den Jungen gesellen / vnd anderit / so
zu iren Handtwercken deren benötigt / offte vnd vielmals
Klag erfolgt / vnd sie jnen daruon ein leichten klaren bericht ge-
wünscht haben / welchs ich / als auch dieser Kunst liebhaber
bey mir bewogen / vnd angesehen / das hin vnd wider hierinn
verstendigere vñ mehrerfarnere dann ich gefunden werden /
die doch (weiß nicht ob neid oder anderer vrsach halb) solchs
hinderhalten / vnd damit wenig andern dan jnen selbst nutz
schaffen / Hab ich mit Gottes Snad vnderstanden ein Büch-

) ij



Vorrede.

lein von der Perspectiff sampt der Proportion des Menschen
vnd Rossz/so den Kunstbegirigen/verstendlich vnd nützlich zu
sein zusammen getragen/solchs auch mit allerley schönen Figu-
ren/nit ohn grosse mühe vnd vnkosten/verfertigt/fürha-
bens/menniglich damit zu dienen/Dieweil aber der Welle
dienen/vnd one vndanck daruon zukommen/mir schwerlich
ist fürgefallen/bin ich mit solchem Büchlein herfür zukom-
men etwas verzagt/vnd dasselbig bey mir zubehalten bedacht
gewesen/wo nicht E. E. W. Großgünstiger Herz Doctor/
vnd lieber Sevatter/als dieser/wie anderer freyen künst/nicht
allein ein besonder liebhaber/sonder auch der erfahren/wel-
ches bezeugen die Figuren/so E. E. W. kurtzweil halb/vnd
auch andere mehr Studia dardurch zuerleichtern/mit aige-
ner hand gerissen/vnd mir zusehen worden/mich mit allerley
rattungen vnd anhaltung darneben E. E. W. geliebten
Herz Vatter/Doctor Johan Rickhard/desgleichen E. E.
W. Vetter/Doctor Caspar Rickhard/des Kayserlichen
Cammergerichts zu Speyer Abduocat vnd Procurator/
Sebrüder/vnd beyde beyder Rechten Doctores/sampt an-
dern Kunstliebenden meinen Günstigen Herrn vnd Freun-
den/mich daruon gewandt/vnd nicht gewölt solchs zu vnder-
lassen/denen ich zu willfahren höher dan der mißgünstigen
tadeln geacht/vnd darauff also bedacht/allen Kunstlieben-
den Werckleuten zu gefallen solche obbemeldte beschehene
arbeit treuwer guter meinung mitzutheilen. Jedermen-
niglich freundlich vnd hochfleissig bittend/solchs von mir im
besten zuverstehen. Vnd aber bey denen/so gemeinem vnd je-
dermann zu nutz/mit iren schriftlichen arbeiten zu dienen
fürhabens/nicht in bösem gebrauch/der selben Patronen
zuerwelen/also hab ich (mein danckbar gemüt/ymb die viel-
faltige mir von E. E. W. vnd derselben geliebten Herz Vat-
ter erzaiete

Vorrede.

ter erzaipte wolthaten / die mir wircklich zuvergelten vnmöglich zu eröffnen) niemand anders dann E. E. W. als dieser kunst verstendigen / vnd der solch mein arbeit vrtheiln kan / erwelen / vnd derselben ein Verfechter vnd Patron setzen wollen / Die hiemit E. E. W. gantz vnderthenig zuschreib vnd dediciere / gantz hochfleissig vnd freundlich bitzend / solchs von mir im besten zuverstehen / Das vmb E. E. W. bestes möglichs fleiß zuverschulden / bin ich gantz wililig / hiemit E. E. W. vnd alle derselben verwandten im Göttlichen schutz befolhen. Datum Franckfurt am Mayn den 26. Julij / im 1563. jar.

E. E. W.

Santz Dienstwilliger
Sevatter /

Heinrich Lütensack
Goldschmid
vnd Maler / Bürger
zu Franckfurt
am Mayn.

X iii

Allen jungen ansehenden/ lieb-

habenden Schülern dieser Kunst/ wünd-

sche ich Heinrich Lautensack/ Goldschmid vnd
Maler zu Franckfurt am Mayn/ von Gott durch
Christum viel glück vnd heyl.

Sinstiger Freundlicher liebhaber dieser
Kunst/ Nach dem die Kunst jetzt zur zeit so gar am tag
ligt/ (wie man sagt) zweiffelt mir nit/ es werden jr viel
sagen/ was ich mit diesem Büchlein wöll ansehnen/ die
Kunst gehe vorhin betteln/ vnd warumb ich das
Büchlein wöll an tag geben/ vnd ich keiner bin der dieser Kunst erfah-
ren sey/ Ja werden sie sagen/ es sey ein alte gemeine rüstung/ wenn es
andere leut vorhin nicht gemacht hetten/ so würd ichs auch auß mei-
nem kopff nicht erdencken/ Derhalben sag ich auch/ das ich es nicht er-
funden hab/ aber doch wil ich solche Gesellen fragen/ Zum Ersten/ wie
es zugehe/ das irer so viel seind/ die mit feinen gaben vnd künsten von
Gott begabet sind/ da sie mancher Edlen jugendt möchten mit dienen/
vnd sie lustig machen etwas zu lernen/ aber dasselb jetzt zur zeit vnder-
lassen wirt/ vnd ehe sie derselben Kunst eine an tag geben/ so trügen sie
es viel ehe mit sich in das grab / dorzu wo etwan ein gut stück an tag
kompt/ köndten sie es alle hinweg thun/ dz keinem etwas daruon wür-
de/ so theten sie es auch/ sie habē stets sorg/ die jugent lehrne zu viel/ Ich
glaub aber/ hett jr einer zehen knaben/ vnd kehret all sein fleiß mit in
an/ es würd doch mühe genug darbey sein/ das jr einer oder zweien et-
was lernete.

Zum Andern/ so wil ich sie jetzt abermal fragen/ wie es komb/ dz
die fürnembsten Künstler dieser zeit/ so sie etwas machen wöllten/ an-
derer leut Kunst für sich nemen/ vnd dasselb nach machen/ darauff sag
ich: Wann vns die alten die Kunst nicht an tag hetten geben/ weiß ich
wärlich nicht/ ob wir es jetzt zu vnserer zeit mit mühe vnd arbeit wür-
den zusammen tragen/ vnd an tag geben/ So weiß ich auch/ es sey ein
Künstler so groß als er immer wöll/ so er schon ein werck auß seinem
eignen verstandt macht/ das er nicht ander leut arbeit darneben helt/
Derhalben

Vorred.

Derhalben aber ich mich auch für kein Künstner außthue / aber doch danck ich Gott / vnd meinem treuwen Herren / Jacob Stampffer / Goldschmid zu Zürich / der mich zum ersten darinn angewisen hat.

Zum Dritten muß ich abermal fragē / Was doch die vrsach sey / dieweil die Kunst jetzt so gar am tag ligt / wie man sagt / das die jugent doch nicht ein guten verstand darinn oberkompt / sicht man doch nit / das die ansehend jugent zu dieser Kunst etwas desto fleissiger ist / oder auch desto mehr lehrnet / so denn diese kunst lehren wöllen / so glaub ich das mache es / dieweil desselben dings so viel ist fürhanden / was einer macht oder machen sol / findt er es gleich also zukauffen / das er denn der Kunst nicht viel darff nachdencken / Derhalben jetzt das Sprichwort ist auff kommen : Es kaufft einer ein Kunststück vmb ein kreutzer / er macht es sein lebtag nicht so gut. Der Gesellen man viel findt / so schon ein junger zu dieser Kunst ein lust oder liebe hette / dörffen sie zu im sagen / Ey der sind da vnd da viel / die diese Kunst nicht können / vnd sich dennoch ernehren / was wiltu dein kopff darmit zurbrechen / vnd gedencen gleich dieselben Gesellen on ein G / wie sie dann seind / also sol ein anderer auch sein / das dunckt mich die vrsach zum theil sein / das mancher junger liebhaber dieser Kunst oft gehindert wirdt von diesen Gesellen / die nichts können / vnd auch nicht wöllen das andere etwas lehren / Biewol ein jeglicher verstendiger junger solt gedencen / so er ein gut Fundament oder grund in dieser Kunst hette / so würde in alles desto leichter vnd geringer ankommen was er machte / vnd nicht also / wie der Gesellen viel seind / die gewaltige Hansen wöllen sein / vñ wenn es brennen vnd schinden gülte / so köndten sie nicht ein winckel hacken / noch vierung / oder ein gut bild / stellen oder machen. Darauff sag ich aber / wie die alten etwan geredt haben / Es ist kein schand das einer nichts kan / es ist aber ein schand das einer nichts wil lehrnē. Das ist ein alt Sprichwort / vnd ist auch gewißlich war : Lernstu wol / so isst du dich guter Hüner vol / Lernstu vbel / so mustu mit der Saw ober den kübel. Wenn einer etwas kan / der kompt auß / er kom̄ wohin er wöll / dargegen müssen die dahinden bleiben / die nichts können. Man findt aber jetzt bey vnsern zeiten auch viel / die es der jugent wehren wollen / so sie auff ein theylung oder Proportion wöllen acht haben / sprechen / sie sollen von freyer hand dahin etwas machen / das ist wol

Vorred.

recht vnd zu loben/ das aber einer von freyer hand dahin macht/ vnd weiß weder lenge noch kürze/ weder dick noch dünn/ vnd wenn er lang macht/ so ist er seines machens nit gewiß/ ob es recht oder vnrecht sey/ wenn man denselben solt fragen/ Lieber sag mir wie lang sol der arm oder fuß sein/ oder das sie in der Perspectiff einem ein gerechten würffsel oder gevierdten stein solten machen/ würden sie nicht wissen wo hinaus/ wer es dann nicht besser/ das einer ein rechten grund hett/ dar auff er fussen kündt/ dan dz er nach der Kotten Kirchen dahin machet. Es ist jetzt schier dahin komen/ wie bey den alten Malern das Sprichwort gewesen ist: Wenn einer ein Engel malen wolt/ vnd wann es nit geriedt/ so malet er ein Teuffel darauß/ das sihet man in viel dingen/ weil man der maß nicht achtet.


Derhalben ich nicht vnderlassen hab können/ der Edlen liebhabenden jugendt zu dieser kunst/ diß mein Büchlein/ das doch schlecht ist/ aber auß rechtem grund beschrieben/ an tag zu geben/ damit sie doch möchten ein lust oder liebe wider vberkommen/ dann so der liebhaber zu dieser kunst das recht fast/ das ich auff das einfeltigst vnd schlechtest hab angezeigt/ wirt er gewißlich so er darinn fort fehret/ vnd sihet denn so er die maß hat/ vnd sich an das Conterfehen helt/ vnd dann dem leben nach macht/ je lenger je mehr lust darinn vberkommen/ dann man kündt es je nicht schlechter einem fürmalen.

Darumb wil ich die/ so vorhin in dieser kunst fürnem/ berümbt/ vnd erfahren seind/ freundlich gebetten haben/ mir solchs nicht im argen auffzunehmen/ den ich jnen das Büchlein nicht gemacht hab/ sonder sie/ dieselbigen Kunstverständigen/ haben viel andere herrlichere Bücher jetzt dieser zeit/ als den Vitruuium/ Item des Albrechts Dürers/ vnd denn die Bücher von der Architectur/ die alle gewaltig von dieser kunst am tag sind/ aber der jugent im anfang zu schwer/ Derhalben ich die jugent wil gebeten haben/ diß mein Büchlein im besten von mir auffzunehmen/ wo ich einem jeglichen in sonderheit weiter dienen kündt/ wolt ich willig sein/ Ich hoff aber auch/ so die jugent lust darzu hat/ sich darinn zu vben/ Gott werde jnen weitem verstand hierinn geben.

Merck hie Günstiger Leser/ das auff dem 46. blat zwo Figuren versetzt sind/ sol die forderst hinden/ vnd die hinderst fornen stehen/ wie an der Schrift wol zu merken.
Der Erst

Der Erst theil von vnderwey- sung des Circels vnd Richtschents.

Ausenglich wil ich von dem Puncten reden/
 Denn so man etwas wil abtheilen / mustu den puncten
 haben / dan sunst wirstu nicht wissen was kurz oder lang
 ist / Der Punct aber ist weder lang noch kurz / sondern er
 macht ein vnderscheidt zwischen kurzen vnd langen / wie ein Mark-
 stein / er ist nicht zu theilen / sondern er ist ein vnderscheidt eins theils/
 denn ein Punct ist das reinest stüpflein so man mit einer Nadel thun
 kan / Denn je reiner deine pünctlein im abtheilen sind / je besser es ist /
 darumb so du gute Circel hast mit einem gewissen gang / die nit im
 zu oder auffthun sich stossen oder stolpern / vnd dieselbige als scharpff
 sind als ein nadel / so sind sie gut zum abtheilen / Nun aber so man von
 theilen redt / als mach 2. oder 3. theil / oder 4. 5. 6. theil / viel oder wenig / so
 wiß dz das ein theil heist / das zwischen zweyen puncten oder stüpflein
 ist / wie ich denn das in der nechsten Sigur klerlich wil vor machen.




Also mustu in allem deinem abtheilen / es sey Rund / Eben oder
 Ecket / der puncten fleissig acht haben / vnd sie auch alle mal gar
 scharpff an jr ort setzen / denn sunst würde dich dein machen bald in ein
 verdruß bringen / denn wie ich vor gemeldt hab / mustu dich vmbsehen
 umb gute Circel / die fein stät sind / das macht denn ein noch so lustig
 weñ sie so fein sanfft vnd gleich gehen / Die Messingen Circel sind alle
 gemeinlich besser vnd senffter im gang dann die Eyserne / das macht
 wann die Eysern rostig werden verderben sie bald.

U

Vom Circel vnd

Nun mustu auch wissen/so man redt von einer zwerghlinien/ vnd von einer auffrechten liniē/auch was da sey ein ganzer Circel/ riss/ oder Kunde/ Item was da sey ein ganze Bierung/ oder oberlengte Bierung/ auch was ein ablange Kunde heist/ Darnach so man redt von einem auffrechten geradē Creutz/ vñ von einem Creutz vber ort/ Diese stück mustu zum ersten wol lernen vnd behalten/ wie ich sie dir denn hie her auch hab auff gerissen.




Es sind aber noch viel stück die man also von Linien macht/ als ein Schlümmelinien/ ein Schlangelinien/ ein Gebrochene linien/ der gar viel in ander weg werden gemacht vnd gebraucht/ die ich jetzt vnderlassen wil/ vnd nur anzeigen/ was einem jeden jungen/ so diese Kunst brauchen wil/ am nützlichsten sein mag/ vnd einem ansehenden in dieser Kunst das schlechste ist/ als Goldschmiden/ Malern/ Bildhauvern/ jungen Steinmessen/ vnd jungen Schreynergesellen/ so mit dem Circel/ Winkelmaß/ vnd Richtscheit vmbgehen/ vnd das ihnen am nützlichsten sein mag zu gebrauchen.

So du nun diese hienor gemachte Figuren hast in sinn gefast/ wil ich dir sekund zum anfang auff das schlechste etliche Stück auff reissen/ so dir hernach ganz dienstlich sein werden zu der Perspectiff/ darinn du gleich ein grundt/ wie er dir mag fürkommen/ kanst vergrößern oder verkleinern/ vnd was ich hierinn in diesem theil thu/ das wil ich auff das schlechste handeln so ich kan/ damit du im anfang nicht verdrossen werdest.

So

So man dir nun auffgebe /zwo linien zu machen / die gleich weit an iren enden solten von einander stehen / dem thu also / Mache ein linien so lang du wilt / zeichne sie mit A. B. darnach setz ein puncten G. so weit von dieser zwerglinien / als weit die ander zwerglinien von der ersten zwerglinien sol sein / Nun mach ein schlinne linien von dem puncten G. bisz auff die zwerschlinien A. B. wo sie denn die zwerschlinien A. B. antrifft / da mach ein D. nun theil die linien G. D. in der mitte zu gleicher weite mit dem buchstaben E. setz den Circel mit einē fuß in den puncten E. vnd mit dem andern fuß in puncten G. vnd D. Reiß also ein ganzen Circelriß / wo nun der Circelriß die vnder linien an der ein seiten anrürt / da mach ein F. leg darnach das Richtscheyt an die puncten F. E. zeuch also ein linien hinaus bisz an den Circelriß / da mach ein G. leg nun das Richtscheyt auff die puncten E. G. vnd zeuch ein linien hinaus so weit du wilt / so wirdt diese linien an iren enden gleich weit sein von der linien A. B. So du denn an der zwerglinien ein auffrechte linien wilt haben / die zu gleichem winckel stehet / so leg das Richtscheyt auff die puncten F. G. vnd zeuch ein linien hinaus / so wirdt die mit der zwerglinien A. B. zu gleichem winckel stehen.




Wen so du ein zwerglinien hast / vnd wölft darauff bald ein auffrechte linien haben / die wagrecht vnd zu gleichem winckel stünde gegen der zwerglinien / dem thu also / Mach dein zwerglinien / wo du denn die auffrechte linien an der zwerglinien wilt haben / do mach ein puncten A. darnach nim den Circel thu in auff so weit du wilt / setz in

A ij


Vom Circkel vnd

mit dem einen fuß in puncten A. mit dem andern end / mach auch ein puncten auff der zwerg linien sey B. laß den Circkel also vnder ruckte auff die ander seiten auch gehen / da mach ein puncten C. nun setz den Circkel mit dem einen fuß in puncten B. vnd mit dem andern end in puncten C. reiß also ein halben Circkelriß / darnach setz den Circkel also vnder ruckt in puncten C. Reiß durch D. auch ein halben Circkel gegen dem Circkel C. Wo sie einander durchschneidē da mach punctē / oben ein D. vnden ein E. leg darnach das Richtscheit auff die punctē D. E. reiß also ein linien die wirdt durch den puncten A. gehen / so ist dise linien vnden vnd oben zu gleichem winckel gegen der zwerglinien / Disß stück wirdt dir hernach in der Perspectiff wol dienen / doch so du wilt darffestu nit allemal also den Circkel vnden vnd oben machen / wie du hernach in der perspectiff an der 7. vnd 8. figur wol sehen wirst.




Dem man geb dir auff ein zwerg linien / darüber stünd ein punct gezeichnet mit A. vnd du solt auß dem punct A. ein auff rechte linien zu gleichem winckel gegen der fürgebnen zwerglinien zihen / dem thu also / Zihe ein schlinne linien von dem puncten A. an die zwerglinien / da mach ein puncten sey B. nun suche das mittel auff der linien A. B. da mach ein puncten sey C. Nun setz den Circkel mit dem einen fuß in puncten C. vnd am andern end in die puncten A. B. Reiß also ein Circkelriß auß A. in das B. Wo denn der Circkelriß die zwerglinien

Linien antrifft/ da mach ein punct/ sey D. nun leg das Richtscheyt an die puncten A. D. zeuch also ein linien herab/ die wirdt auffrecht vnd zu gleichem winckel stehen gegen der zwermlinien A. B.




Manders/ Ich reiß ein zwerch linien/ vnd setz den puncten A. daruber so weit ich wil / nun setze ich den Circel mit dem ein fuß in puncten A. vnd thu in auff das er ober die zwermlinien gehet/ Reiß also ein Circel drum durch die zwermlinien / wo sie die zwermlinien antrifft/ da mach ich puncten B. C. Nun setz ich den Circel mit dem einen fuß in puncten B. vnd reiß aussen an dem Circelriß ein drum herumb/ darnach stell ich den einen fuß des Circels in puncten C. vnd reiß auch ein Circel drum gegen dem andern / wo sie einander an treffen/ da mach ich ein puncte D. Nun leg ich das Richtscheyt auff A. vnd D. vnd zeuch ein linien hinaus / die wirdt auffrecht zu gleichem winckel stehen gegen der zwermlinien.



A III


Vom Circel vnd

So dir nun zwo linien fürkōmen/ eine kurz die ander lang/ vnd die lang hat etliche theiler/ die soltu an dem kurzen auch gleich machen/das die theiler an der kurzen linien gleichförmig weren der langen linien/ dem thue also/ die lang linien bezeichnen an iren beyden orten mit A. B. die kurz mit C. D. setze die lang linien oberzweg vnden/vnd führe an derselben Eck einem ein gerade auffrechte linien/ das die zweg vnd auffrecht linien ein rechter winckel sey A. darnach setz die kurz linien ober die lang in gleicher weite vnd zimlicher höhe/ das sie mit dem ein end C. die auffrecht linien A. anrüre/ darnach leg das Richtscheit an der langen linien end B. vnd der kurzen linien end D. vnd reiß also ein linien durchaus/ wo sie denn die auffrecht linien anrüret/ da setze ein E. darnach laß das Richtscheit im puncten E. stehen/ vnd leg das ander end auff die puncten an der langen vnderen linien 1. 2. 3. vnd zih also ein linien hinauff zum puncten E. wo diese linien die kurz linien C. D. denn durchschneiden/ da mach puncten/ so hastu die gleiche theiler auff der kurzen wie auff der langen/ wie ich es dann hieher verzeichnet hab.



Nun hab ich aber ein linien die ist 60. Werckschuch lang/ diese 60. Werckschuch wolt ich gern auff ein liniē getheilet habē/ die dieser Werckschuch 10. kürzer weren/ vñ doch die 60. Werckschuch auff der kurzen linien recht verjüngt würden/ dem thue also/ Ich setz die zweglinien mit iren 60. theilen/vñ bezeichnen jr bede end mit A. B. nun mach ich

mach ich ein auffrechte linien bey dem buchstaben A. zu gleichem winckel/darnach nim ich bey dem B. am end der linien die 10. Werckschuch auff der zwerglinien / da mach ich ein ganze vierung auß/ vnd laß die ober zwerg linien an der vierung zu gleich der vnderen außgehn/ biß an die auffrecht linien A. da mach ich ein puncten G. darnach leg ich das Richtscheyt ober ort in die zween winckel der vierung/ also das der vnder winckel B. der ober D. sey/ zihe also ein linien hinaus/ wo sie die auffrecht linien A. G. anrüret da mach ich ein E. so beschleußt mir die linien B. D. E. den winckel B. A. E. in ein Triangel/vnd ist die linien G. D. die verkürzt linien gegen der langen A. B. nun leg ich das Richtscheyt mit dem einen ort in den obern puncten E. vnd mit dem andern end auff die vndern theiler auff der langen vorgegebenen zwerglinien/ vnd ziehe den vñ allen puncten linien in die ober verkürzte zwerglinien/ so finden sich die 60. schuch versünget/ wie man sie begert hat.




Doch die nechst vorgegebene Regel/ kanstu allerley linien/felder oder Corpus/vergrössern vnd verkleinern/ wie ich dir wil anzeigen. Ich mach ein gleichseitenden winckel/vñ bezeigen seine bedende mit B. G. vñ das Ecke des winckels mit A. Nun ziehe ich ein linien

lang/diese 60.
hab/die diese
berchbuch au
esse/ Ich setz di
mit A. B. nun
mach li

Vom Circel vnd


von B. zu C. so hab ich ein Triangel/ Nun theile ich die zwerglinien A. C. mit 4. puncten in 5. gleiche feldt/ ziehe auß diesen puncten auffrechte linien bis an die linien B. C. wo sie die linien B. C. anrühren/ da fare ich mit gleichen zwerglinien herüber gegen der linien A. B. so helt die lengst linien viermal mehr denn die kurz/ wie ich es dann hieher geriffen hab.

Ein andersz/ doch dem vorigen gleich.



Ich setze ein ablange gevierdte blatten/ die sey 3. Berckschuch lang/ vnd 2. breyt/ nun wolte ich gern eine haben die 4. mal so groß were/ dem thue ich also/ Ich setz mein fürgenomē blatten nach der leng auff die zwerglinie/vñ bezeichnen jr 4. ort mit A. B. C. D. nun setze ich auff die zwerglinien ein puncten so weit von der blatten als lang die blatten ist/vnd zeichen in mit E. alsdenn leg ich das Richtscheit auff den puncten E. C. vnd ziehe ein linien hinaus so lang ich wil/darnach nim ich die leng der blatten A. B. C. D. vnd stell sie zweymal neben einander auff die zwerglinien/vnd zeichen jr end mit F. vnd zibe denn ein auffrechte linien auß A. B. an die linien E. C. wo sie antrifft da mach ich ein G. darnach fare ich auff F. auch mit einer auffrechten linien/an die linien E. C. da sie antrifft mach ich ein H. nun zibe ich

ziehe ich auß dem puncten G. ein zwermlinien an die linien F. H. da mach ich ein J. so ist diese vierung viermal grösser dann die erst/ wiltu denn eine haben die noch so lang sey als die/ vnd in irer proportion gemess/ die wirdt 16. der ersten blatten in irem begriff sein/wie ich es denn auch hab auffgerissen.




Woff diese weiß kan man auch ein ablange vierung vergrößern oder verkleinern/ Ich setze ein ablange vierung/ vnd bezeichnen sie vier eck mit A. B. C. D. vnd ziehe ein linien vber ort von C. durch B. hinaus/ Nun wolt ich gern ein ablange vierung/ die ganz gleich der jetzigen vierung wer/ doch vmb ein siebendtheil kleiner/ dem thue ich also/ Ich theil die siebentheil auff der zwermlinien C. D. mit sechs puncten/ nun fahre ich auff dem sechsten puncten mit einer auffrecht linien/ an die linien C. B. da setze ich ein E. fahre denn von dem E. mit einer gleichen zwermlinien bis an die linien A. C. so ist diese vierung recht/ nun hab ich auch eine vmb 3 theil der ersten vierung nach/ vergrößt/ Also kanstu allerley sorten klein vnd groß auß diesem grund machen/ wie ich es denn hieher hab auffgerissen.

Item ich hab ein ganz gevierdt Corpus/ oder ein gevierdtē stein/ oder ein Kasten/ was man denn also von solchen stücken kan machen/ das helt ein maß/ vnd ich wolt gern diesem ganz gemess nach ein Corpus haben das noch so viel hielt/ als nemlich 2. maß/ dem thu ich also: Zum ersten stell ich die groß des Corpus / das ein maß helt/

B

Vom Circel vnd



vnd bezeichnen seine zwo ecken an der ein seiten mit A. B. Nun zih
 ich ein zwermlinien / daran stell ich ein auffrechte linien zu gleichem
 winckel / darnach nim ich die breite meines ersten Corpus zweymal
 an einander / vnd setz sie an die auffrecht linien / also da sie vnden auff
 der zwermlinien stehet / zeichen ich mit A. den mittel punct mit B. vnd
 oben am ende mit C. Nun thu ich den Circel so weit auff / das er vn-
 den mit dem einen fuß im puncten A. stehet / vnd mit dem andern end
 oben im puncten C. Reiß also ein halben Circelriß biß auff die zwer-
 linien / da zeichen ich die zwo eck mit E. D. nun leg ich das Richtschent
 in winckel D. vnd mit dem andern end auff den puncten B. vnd zih
 ein linien hinaus biß an Circelriß / da mach ich ein F.

Nun muß ich ein kleines Richtschentlein haben / da nim ich auff
 dem Richtschent das Mittel / vnd bezeichnen es mit einem Creutz/
 theil darnach zu beiden seiten gleiche theiler hinaus / vnd sahe in der
 mitte an zu zehlen bey dem Creutz / also das auff jeder seitten 1. stehet /
 So dz Richtschent also ist zugerüst / so leg ich es mit dem ein ort in das
 eck am Circelriß E. laß es also daran ligen / das ander theil oben vwen-
 de ich also lang auff vnd nider / das doch das mittel des Richtschents
 bey dem Creutz stäts auff der linien A. B. C. bleib ligen / Wenn ich den
 also oben am Circelriß vnd auff der linien F. D. von dem mittel des
 Creutzes auff dem Richtschent zu benden seiten gleiche theil hab / so
 fare ich mit einer linien auß dem puncten E. durchaus biß an Circel-
 riß / wo dann diese linien die linien F. D. anrüret / da mach ich ein G.
 wo sie trifft die linien A. B. C. da mach ich ein H. vnd wo sie oben am
 Circelriß anrüret / da mach ich ein I. so wirdt zwischen G. I. das H.
 in gleicher


in gleicher weite stehen/nun ist die linien zwischen A. vnd H. die linien so ich zu der vergrössung des andern Corpus haben muß.

Darnach nim ich diese leng A. vnd H. vnd die leng des ersten Corpus A. B. vñ stoß sie an einander zu einer geraden linien/also/das auff jeder seiten ein A. stehet / Nun suche ich das mittel zwischen den zweyen A. auff der linien/das zeichen ich mit J. setze den also den Circel mit dem einen Maß in den puncten J. darnach mit dem andern in den puncten A. reiß also ein halben Circel herum/biß auff die zwerglinien/nun fare ich mit einer auffrechten linien auß dem puncten B. da sie oben den Circel antrifft da mach ich ein K. so ist B. K. die höhe der seiten eine zu dem Corpus das zwey maß helt / wie du es dann in diesem theil siehest auffgerissen. Also kanstu durch diese meinung allzeit dem Corpus nach grösser machen / Als wenn du ein Corpus willst machen das drey maß hielt/so setze nur des ersten Corpus höhe z. auff einander an der linien A. G. vnd zihе darnach die linien D. F. in der vndersten ersten höhe des Corpus im puncten B. hindurch / vnd such denn mit dem Richtscheytlein/wie vorgemelt/an der linien A. G. den mittel puncten H.

E auff ein ander weiß vil vierung oder Corpus zu vergrössern vnd zuverkleinern/dē thu also: Nim die zwo nechst vorgemachte vierung/die einander gleich sind gemacht/als ein maß gezeichnet mit A. B. C. D. die andere zwo maß gezeichnet mit E. F. G. H. setz sie also hart an einander auff ein zwerglinien/nun leg ich das Richtscheyt auff der vierung eck F. B. vñ zihе also ein linien hinaus/ wo sie den die zwerglinien antrifft da mach ich ein J. vnd oben ein K. den puncten J. hab ich dir der Formen halber mit können hinaus reissen / doch kanstu die linien K. Jzt im druck hinaus zihen/so findestu den puncte J. wider/ Nun leg ich das Richtscheyt an dem ein end fornen in winckel J. vnd am andern end auff die zwo Vierung hinden an iren ecken A. E. vnd zeuch auch ein linien hinaus/vnd zeichen sie oben mit einem L. den fare ich mit der linien G. E. biß oben an die linien J. K. da mach ich ein M. zihе also ein gleiche zwerglinien von dem puncten M. hinder sich an die linien J. L. da setz ich ein N. dan mach ich ein auffrechte linien von dem puncten N. die vnden die zwerglinien vnd oben bede linien anrüret/

B ij


Vom Circel vnd



wo sie die linien J. K. anrühret/ da mach ich ein D. Ziehe also wider auß dem puncten D. ein zwermlinien hinder sich bis an die linien E. da mach ich P. so hab ich zwo vierung die gegen den andern zwo fürgegebenen vierungen vergrößt seind/ die erst helt vier maß/ die ander acht maß/ also kanstu es hinauß dupliciren auff ein grosse Summa/ so kanstu es auch also verkleinern.

Durch diesen weg vnd form magstu auch solche vierung die ungleich seind in der zal/ als/ 5. 3. 9. 11. 15. das sich also duplirt / auch machen/ nur das du die erst fürgegebene vierung nimbst/ vnd ein vierung darzu setzst die trifach vergrößt ist.


Dem/ Ich hab zwo vierung/ eine helt ein maß/ die ander acht maß/ nun sol ich zu einer maß ein vierung machen die zwo maß helt/ vnd zu acht maß eine machen die vier maß helt/ dem thue also: Ich




also: Ich mach ein ganz gerads Creutz / zu vier gleichen winkeln / vnd setz in die mitte / da die zwo linien vber einander gehn ein E. Nun nim ich die seitē der vierung / die ein maß helt / setze den ein fuß des Circels in puncten E. vnd mach gegen der rechten hand auff der zwerghlinien mit dem andern theil des Circels auch ein punct sey D. nun nim ich die ander leng der vierung die acht maß helt / vnd setze den Circel auch mit dem ein fuß in puncten E. vnd mit dem andern theil mach ich an der auffrechten linien vnden auch ein puncten sey A. das seind die zwo leng der fürgegebenen vierung / nun nim ich zween klein winkelhacken / vnd leg den einen vnden an der auffrechten linien am puncten A. vnd mit dem eck seines winkels hie aussen oben auff der zwerghlinien E. D. darnach leg ich dē andern Winkelhacken obē an den puncten D. vnd mit seinem eck des winkels draussen oben an die auffrechte linien / vnd ruck sie allbeyd also lang biß sie vornen ein gleiche linien haben / vnd aber mit iren ecken hie aussen von den linien nicht kommen / vñ sich von den puncten A. B. mit verrucken / So denn die zween Winkelhacken also gleich liegen / so punctir ich es hie aussen am eck des winkels auff der zwerghlinien / mit B. Das ander eck des winkels an der auffrechten linien mit G. so ist G. E. die leng der vierung die zwo maß helt / vnd B. E. die leng so vier maß helt. Nun hab ich die vier linien / die sich gegen einander halten / wie ich es begert hab / wie ich dir es dan hieher gerissen hab.

Nun aber hab ich ein gantz vierung / die ist in iren vier ecken gezeichnet mit A. B. G. D. dargegen kompt mir auch ein ablange vierung zu / die ist gezeichnet mit E. F. G. H. in ire winkeln. Nun wolt ich gern wissen ob die ablag vierüg als vil in sich hielt als die gantz vierung / so thu ich also: Ich setz die zwo vierüg mit ire zweyē eckē B. G.

14




hart an einander/das die zwo seiten A. B. G. H. ein gerade linten sey/
 so kommen die zwo seiten E. G. B. D. auch zusammen in ein linten/
 darnach umbziehe ich die beyde vierung mit linten als wenn es ein vierung were/
 vnd zeigen dieselben zwoy eck mit J. K. Nun leg ich das Richtscheit in die winckel J. K. vnd ziehe ein linten also ober ort durch
 die vierung hindurch/gehst nun die linten gleich zwischen den zwo vierungen
 in sren ecken B. G. hindurch/so helt die ablang vierung als vil als die gevierdt/
 vnd die gevierdt als vil als die ablang/wie du es dann hie sihest auffgerissen.



So du ein

S Du ein ablange ründe wölst machē / thue jm also: Reiß zween
 Circelriß / also das einer den andern in seinem punctloch oder
 Centrum anrüret / zeichne jr Centrum mit A. B. da die zween
 Circelriß ober einander gehen / da mach oben ein C. vnden ein D.
 Num leg das Richtscheyt an dem einen ort im puncten A. vnd an dem
 andern ende im winckel C. reiß also ein linien hinausß bisß an Circelriß
 riß / den leg das Richtscheyt herumb in puncten B. vnd laß vnden im
 winckel C. stehen / reiß auch also ein linien hinausß bisß an Circelriß /
 wie du den da gethan hast / also thue im winckel D. durch die puncten
 A. B. auch / so hastu zwey schlimme Creutz / darnach setze den Circel
 mit dem ein ort in puncten D. vñ mit dem andern oben am Circelriß
 also / daß er nit ober dise Creutz hinausß gehet / setze den Circel in pun
 cten C. thue deß gleichen / so hastu ein ablange ründe / wiewol man jr
 noch vil kan machen anff mancherley art.



16


Wenn dir ein trum̄ von einem Circelriß fürkeme / vnd du gern
 wissen woltest / wie groß der ganze Circelriß wer gewesen /
 auff daß du sein Centrum wißt zufinden / thu jm also / Reiß dz
 Circeltrum̄ auff / zeichne seine beyde end mit A. B. nim den Circel /
 thue jm in rechter weite auff / stelle jm mit dem ein fuß in puncten A. am
 end / reiß also mit dem andern fuß durch das Circeltrum̄ fast ein hal
 ben Circel / vnd zeichen das ort da der Circelriß durch das Circel
 trum̄ gehet mit einem C. reiß durch den puncten A. auch ein Circel
 herumb / wo den die zween Circelriß durch einander gehen / dz zeichen
 oben mit einē D. vnden mit E. also thu auff der andern seiten des Cir
 ckeltrum̄s am end B. auch / vnd zeichen es oben mit F. vnden mit G.

ein gerade
 nmen in ein
 als wenn es
 R. Num leg
 also ober
 wischen den
 ablang rü
 e ablang rü

F
 H
 K
 Chricht

Vom Circel vnd

leg das Richtscheit am ersten gemachten Circel oben in D. vnden in E. zeuch also ein linien hinaus/ darnach thue auff dem andern ort auch also/ leg das Richtscheit oben in puncten F. vnden in G. zeuch auch also ein linien hinaus/ wo diese zwo linien einander antreffen/ da mach ein H. so ist der puncten H. das Centrum zu diesem Circeltrum/ wie ich es hieher gemacht hab.




Zem/ So dir fürkemen 3. vngleiche puncten in ein Circelriß zu bringen/ thue jm also: Zeichne die drey puncten mit A. B. C. Nim ein Circel/ setze in mit dem ein fuß in puncten A. mit dem andern fuß in puncten B. reiß also ein Circel drumh herumb/ darnach setz den Circel mit einem fuß in puncten B. vnd mit dem andern in puncten A. reiß auch also ein Circelriß durch A. wo sie denn einander anrüren/ da mach oben D. vnden E. darnach thue den Circel zu/ vnd stelle in mit dem ein fuß in puncten B. mit dem andern in puncten C. vnd mach gleich wider zween Circel gegen einander wie vorhin/ zeichne sie da sie durch einander gehen oben mit F. vnden mit G. leg das Richtscheit in die puncten D. E. ziehe ein linien hinaus/ darnach leg das Richtscheit in die puncten F. G. vnd ziehe auch ein linien hinaus/ wo sie einander antreffen/ da mach ein H. Das ist das Centrum zu den puncten A. B. C. wie ichs hieher gemacht hab.

Ein schlechte Schneckenlinien zu machen


dem thue also.

Nach ein linien so lang du wilt/ die theile mit fünff puncten in 4. gleicher feldt/ vñ bezeichne sie mit iren buchstaben C. D. E. F. G. nun theil



18

nun theil den theil zwischen F. E. noch ein mal in 2. theil/ da setze ein A.
 darnach theil das Feld zwischen A. vnd E. noch ein mal von einander/
 das zeichne mit B. setz den Circel mit einem fuß in puncten E. vnd mit
 dem andern fuß hie aussen in die puncten C. G. Reiß also ein halben
 Circel biß an die linien / darnach stell den Circel mit einem fuß in
 puncten A. vnd mit dem andern in die puncten C. F. reiß auch einen
 halben Circel / darnach setz den Circel in puncten E. vnd mit dem
 andern fuß in puncten F. D. reiß aber ein halben Circel / darnach setz
 den Circel wider mit dem ein fuß in D. E. vnd reiß ein halben Cir-
 ckel / zu letzt setz in B. vnd mit dem andern ort in A. E. reiß noch ein
 halben Circel / so ist er ganz vnd vollkōmen / Also kanstu in auch noch
 vielmal vergrōßern.



19


Q

en in D. in
 dem andern
 enden in E.
 nder am
 dem Circel

ein Circel
 mit A.
 ten A. mit
 ch herum
 mit dem and
 so sie dem
 hie den Cir
 ndern in p
 nder wie
 enden mit
 hinaus / d
 auch ein lin
 ist das
 hab.
 schen

Vom Circkel vnd


Aff ein andere weiß ein schlechte Schneckenlinien zu machen/
 Reiß ein zwermlinien so lang du wilt / setze in der mittten zween
 puncten von einander als weit du wilt / bezeichne sie mit A. B. nun setze
 den ein fuß des Circkels in puncten A. reiß ein halben Circkel biß an
 die linien so groß du wilt / zeichne sein ort mit C. D. darnach setze den
 Circkel in puncten B. vnd thu in zu biß in puncten D. reiß wider ein
 halben Circkel biß an die linien / da mach ein E. setze den Circkel wider
 in puncten A. thu in ein wenig zu biß in puncten E. reiß wider einen
 halben Circkel biß an die linien / da mach ein F. Also thu mit den an-
 dern Circkelrissen allen / so hastu auch ein gemeine schlechte Schne-
 ckenlinien / wie ich dir den diese hieher auffgerissen hab.



20

So du ein Bierung wilt in ein Circkelriß oder Künde machen/
 thu im also / Reiß ein Circkelriß wie groß du wilt / vnd zeuch
 darnach ein zwermlinien mittten durch das Centrum / setze den Circkel
 mit einem fuß an die zwermlinien da sie den Circkelriß antrifft / vnd
 halt dich der vierdten Figur in diesem Büchlein nach / so du denn die
 zwo linten zu gleichem winkel gegen einander gemacht hast / denn
 zeichne sie / da sie den Circkelriß antreffen mit 4 puncten / vnd zhe
 den von

deñ von puncten zu puncten linien/so hastu dein Bierung / wiltu denn ein 8. eck haben/ so setze den Circkel auff zwey eck der Bierung am Circkelriß/ vnd mach wider ein Creutzlein außwendig dem Circkelriß/ wie vorhin auch/zihe deñ vom Centrum im Circkelriß ein linien in das selbig Creutzlein/wo es dann den Circkelriß durchschneit da mach ein punctlein/ so hastu die leng zu dem 8. eck / Wenn du dieselbig seiten zu dem 8. eck noch ein mal von einander theilest/ so hastu ein leng zum 16. eck/wie ich es dir dann hab vorgerissen.




21

SD du in ein Circkelriß wilt ein 5. eck mache/so thu im also/Mach den Circkelriß wie zu vor zu dem 4. eck / zeuch ein zwerglinien durch das Centrum / darauff setze auß dem Centrum ein auffrechte linien/wo sie oben den Circkelriß antrifft da mach ein puncten/ sey A. darnach such das mittel auff der zwerglinien zwischen dem Centrum vnd Circkelriß/da mach ein puncten sey B. setze also den Circkel mit einem fuß in puncten B. vnd mit dem andern ort oben in puncten A. reiß also ein Circkel drumh herab bisz auff die zwerglinien / wo sie deñ die zwerglinien antrifft / da mach ein puncten sey C. so ist von dem puncten C. bisz in puncten A. die leng der seiten eine des 5. ecks / wiltu denn ein 10. eck haben/so theil die seiten des 5. ecks eine in 2. theil/wie vor am 4. eck bist gelehrt worden/so hastu ein seiten zum 10. eck.


C ij

Vom Circel vnd



22

Wiltu in ein Circelriß ein 6. eck machen so darfftu anders nichts machen denn wie du mit dem Circel den riß thust/ daß du also gleich vnderückt mit herum theilest auff dem Circelriß/ so hastu ein 6. eck / darnach kanstu auch ein gleichseitenden Triangel machen / So du denn ein 7. eck wilt machen / reiß der seiten eine zu dem 6. eck / vnd nim darnach die weite mittlen vom Centrum bis an die seiten des 6. ecks / so hastu ein leng zum 7. eck / wie ich es denn hieher verzeichnet hab.



23




24

Num

Richtscheyt.

II


N wil ich dir noch ein Künde auffreissen/darinn du alle seiten
oder schnitt solcher gleicher vnd vngleicher seiten finden kanst/
Vnd wil also den Ersten theil vom Circkel vndd Richtscheyt
beschlossen/darinn du auff das einfeltigst ein grunde hast / das dir zu der
Perspectiff am dienlichsten sein mag.




S iii

Der ander Theil von der Perspectiff.

WIE du inn dem ersten Theil bist gelehrt worden des Puncten halben zum abtheilen/ also mustu auch in der Perspectiff am ersten des Augpuncten acht nemen/denn ohn den puncten kanstu nichts in die Perspectiff bringen/ diesen puncten magstu nach deinem gefallen hoch oder nider stellen/ wie du wilt/wie ich es dir dan hernacher weisen wil/ In disen puncten lauffen alle linien/so in der Perspectiff gebraucht werden zum versängen/vnd wil dir in hieher also verzeichnen:




WEN aber so du etwas in der Perspectiff wilt machen / mustu zum ersten den grundt haben darauff du das stellen wilt/ So du in die Perspectiff wilt bringen an statt des Erdtrichs oder Bodens/ so mache zum ersten ein zwerglinien/ die bezeichnen mit A. B. das ist die förder linien des Erdtrichs oder grundts / an diese linien werden alle puncten gestellt des dings so in die Perspectiff soll gebracht werden/ darnach mustu noch ein zwerglinien haben/ die in gleicher weite stehet von der ersten / die bezeichne mit C. D. das ist die hinder linien des grundts / diese zwo linien geben dir den grundt/ darauff du das so du in die Perspectiff wilt bringen/ stellen kanst/ wie ich dir es dan hie auch hab auffgerissen.




Ich wil

Ich wil dir diese zwo grundlinien wider auffreissen/ vnd an der
 fördern grundlinien A. B. wil ich 4. puncten stellen/ die sind ge-
 zeichnet mit E. F. G. H. vnd wil den augpunctē in zimlicher höhe miten
 drüber setzen/ vnd den auß den 4. puncten in augpuncten linien ziehen/
 so beschliessen die 2. punctē E. H. an den zwo grundlinien A. B. C. D.
 ein grosse grundt vierung/ vnd die 2. puncten F. G. ein kleine/ die also in
 die Perspectiff versünge sind.




Hab ich diese grundlinien noch einmal auffgerissen/ vnd an
 die förder grundlinien zwen puncten gesetzt / sind gezeichnet mit
 A. B. darnach hab ich auff die ein seiten ein auffrechte linien ge-
 stellt / vnd oben dran drey augpuncten vbereinander in gleicher weite
 gezeichnet mit C. D. E. vnd also auß A. B. linien gezogen in C. D. E.
 da sihestu/ wie ein seder grundt kompt zwischen den zwo grundlinien/
 denn da mustu sehen/ wie du den augpuncten stellest/ daß du das/ so du
 in die Perspectiff machen wilt/ am lieblichsten sihest.



Von der Perspectiff.


Als ein ander meinung hab ich dise grundlinien auffgerissen/ vnd hab auß dem puncten A. ein quadranten/ oder ein viertheil eines Circels/ gezogen/ vnd darein 5. aug puncten in gleicher weite von einander gestellt/ die sind gezeichnet mit C. D. E. F. G. vnd hab darnach auch auß den puncten A. B. in dise aug puncten linien gezogen/ damit du auch siehest/ wie ein jeder grund zwischen den zwoenen grundlinien wirdt/ denn das mustu wol behalten/ das du wissest/ wie du die aug puncten stellen solt.



Diese augpuncten so ich dir biß hieher hab vorgemacht/ dienen mir zu kleinen dingen/ das man in die Perspectiff wil machen/ so man aber etwas groß von gebeuwen wil machen/ dasselbig hat ein ander meinung den grund zu stellen/ dieweil ich aber dir itzund auff das einfeltigst den anfang wil weisen/ vnd du im anfang nit verdrossen werdeest/ denn weñ man einem zum ersten das schwe rest auffgeben solt/ so würd einer bald verdrossen/ damit du aber am lustigsten bleibest/ so wil ich dir allgemach eines nach dem andern vorreissen/ so du es vornen anfahest zu lernen/ kanstu desto besser drauß kómen.

Dieweil ich aber noch am augpuncten bin/ wil ich dir ein Figur hie vorreissen/ darin du den rechten grund zu grossen dingen hast/ so man in die Perspectiff wil machen/ hernacher aber so mir Gott gnade gibt/ wil ich weiter davon handeln.


Nun




Un wil ich wider zu meiner ersten fürgenommen mainung kommen/vñ die ersten zwo grundlinien wider auffreissen/vñ den aug puncten nach der dritten Figur in zimlicher höhe mitten dar über stellē/Num aber hab ich auff die ein seiten an der vordern grundlinien zween puncten gesetzt/ darauß hab ich ein ganze auffrechte vierung gemacht/ auff die ander seiten hab ich an diese linien auch zween puncten gesetzt/ vnd darauß gemacht ein ablange vierung/ in die höhe gericht/ vnd darnach von irem puncten zum aug puncten linien gezogen/ vnd da sie hinden die hinder grundlinien anrühren/ da mach ich puncten/ so ist ein jegliche vierung nach der Perspectiff in irem grundt verjüngt/ wie du es hie siehest auffgerissen. Doch wil ich hernachmals/ so ich ein grund mach/ vnd denselben alsdann in die Perspectiff wil bringen/ die linien nit also zum augpuncten gehen lassen/ wie in der jetzigen Figur/ darumb du denn dieser Figur desto mehr acht solt haben/ damit du hernach wissest wie ich es meine.

So du nun auß dieser vierung im grundt wilt ein gebierdten stein machen/ so ziehe die hinderen zween puncten an der hinderen vierung in die höhe/ darnach so leg das Nichtschent an den aug puncten/ vnd am andern ort oben an der auffrechten vierung eck/ vnd zibe ein linien durch die hinder auffrecht linien/ wo sie durchschneit/ da mach ein puncten/ darnach thue am andern eck auch also/ wo es durch

D




Die auffrecht linien sich schneit da mach auch ein puncten/darnach lege das Richtscheit ober zwerg fleissig auff die zween hindern puncten/vñ zih ein linien von einem puncten zu dem andern/ so hastu ein gevierdeten stein / wie du es hie sihest auffgerissen.




Szeker hab ich dir drey stein zusammen gestellt / daß du sihest wie sie sich verendern nach dem Augpuncten / weñ du dise stein oder Würffel also alle nach einander machst/wirstu denn hernacher die andern / so hernach folgen / desto besser können machen / denn also kanst du es desto baß lehren verstehen / denn es wirdt sich nicht schicken wenn

wenn du ein stiegen hinauff solt gehen/ das du gleich auff die oberste trappen wölst springen/ sonder du must vnden ansahen/ vnd ein trapp nach der andern allgemach hinauff steigen/ bis du hinauff kommest.




Wiltu nun ein gevierdten stein oder würffel mitten auff ein gevierdte flache blatten stellen/ so thue im also: Mach die blatten oder stein also groß du wilt/ vnd leg sie auch in grund/ wie du hievor gelert bist worden gegen dem augpuncten/ als dann ziehe vber ort durch die vier eck zwo linien/ so wirdt es vber ort ein Creutz/ denn setze die breite des steins oder würffels fornen auff die zwermlinien/ gleich in mitten/ vnd leg das Richtscheyt denn auff den augpuncten/ vnd am andern ort auff den puncten an der zwermlinien/ vnd reiß ein linien vber die blatten durch das Creutz/ darnach thue mit dem andern puncten auch also/ wo denn die zwo linien durch das Creutz vber ort gehen/ da punctir es/ so hastu den grund zu dem würffel oder stein mitten auff der blatten/ darnach ziehe die vier linien auß dem grund auffrecht/ vnd schneid sie ab gegen dem augpuncten/ so hastu den würffel oder stein mitten auff der blatten/ wie ich es hieby gerissen hab.

Von der Perspectiff.




Hie siehestu wie es wirt on die blindriß.



Wiltu nun der blatten oder stein zwo oder drey auff einander setzen/ das es wirt wie ein stigen/ so mach auff einer jeden blatten dz Creutz wie du hievor gelehrt bist/ so kompt ein jede blatten oder vierung in jr recht mitte / wie ich dir hie zugegen eine hab auffgeri.


Hie

12



Sie siehestu wie es wirt on die blindriß/ wenn du deß wol acht nim
mest so magstu viel selzams dings darauß machen.

13







Wenn hab ich dir hie ein vierung mit vier steinen oder Würffel
nach der Geometria in grundt gelegt / da siehestu wie du es mit
den blindt Rissen machen soltest / so du es in grundt legest / das du

D iij

Von der Perspectiff.


wispest wo die blindriß durch das Creutz gehen/ so du den grund niderlegst/ vnd die linien/ so der leng nach durch das Creutz zu dem augpuncten gehen/ mit den zwerглиen wispest abzuschneiden/ den das mustu wol behalten/ weñ du darnach etwas groß in die Perspectiff wölst bringen/ das du wispest/ wo ein jegliche linien sol abgeschnitten werden.

Sie hab ich dir den grund zum augpuncten gezogen/ damit du desto baß sehest wie du ime thū solt/ Du must die linien gar fleissig ziehen von puncten zu puncten/ dann sonst wirdt es dir im auffziehen auß dem grund gar bald weit fehlen/ darumb hab ich die vier stein auß dem grund auffgezogen/ vnd darnach außgemacht/ wie du hie siehest auffgerissen.





Seher hab ich dir zween flache durchsichtige stein gemacht/ die man mag brauchen zu fenstern oder löcher in die mauern/ ein gebierdts vnd ein rundes mit seinen blindrißen/ das lerne wol/ dann sie dir hernach in den steinen/ die ich dir wil fürmachen/ nützlich seind zu brauchen.


Nun wil ich



15



16





Nun wil ich dir zu sechs steinē ire grūnd auffreissen/ ein jeglichen
 in seiner ganzen vierung/ vñ wo der vierung an einer jeglichen
 seiten zu vil ist/ daß man dasselb wisse hinweg zu schneidē/ nemlich vom
 drey eck biß auff das acht eck. Vñ darnach die vierung zu demselben eck
 abtheilen/ vnd einen jeglichen stein mit sein ecken durch das Creutz mit
 seinen linien auffreissen/ So du denn eine wöllest machen/ daß du im
 grund sehest wie du es zu dem Aug puncten in die perspectiff solt brin-
 gen/ so wil ich dir sie auff das schlechst auch auß dem grundt auffziehen/
 damit du sehest wie sie werden/ wiewol sie auff vil andere wege zu ma-
 chen sind/ was aber gleich ecken oder gleich seite hat/ die sind gut zu ma-
 chen als 4. 6. 8. ecken/ den was vngleich ecken oder seiten hat/ die nemen
 mehr arbeit als 3. 5. 7. eck. Darumb du dich dasselbig nicht solt verdries-
 sen lassen/ lernest du das wol so wirst du der seltsamen stein viellerley gat-
 tung machen können.

Nun wil ich dir ein dreyecketen stein zu dem ersten vormachen/ so du


Von der Perspectiff.

ein ganze vierung hast/mustu ein seiten an der vierung in sieben gleicher theil theilen/vñ derselben sieben theil ein hinweg thun/so hastu die recht vierung zu dem dreyeck/ wiltu es dann in grund legen/vñ zu dem augpuncten zihen/ so mustu das mittel im grund den puncten also suchen/ Theil auff der vnderen zwerglinien das halb theil in vier gleicher theil/ vnd zeile von der mitten her auß die theil/ wie ich es hie hab auffgerissen/ darnach nim den andern theil/ vnd theile in in drey gleicher theil/ vnd nim den ersten puncten darzu/ vnd laß ein gleiche linien neben der auffrechten hinauff gehn/ darnach mache ein Creutz ober ort/ vnd wo diese auffrecht linien das Creutz anrüret/ da mach ein gleiche linien ober zwerg herüber an die mittel auffrecht linien/ wo sie es anrüret/ dahin setz den mittel puncten zu dem Triangel/ wie ich dir dann es hie hab fürgerissen. Diese gründ die man also auffreist/ werden die gründ in der Geometria oder Steinmessen grund genennt/ denn da sihet man wie alle ding im grund kommen/so man es dann in die Perspectiff wil bringen/ das man wisse wo ein jeglichs ding soll im verjüngen hingebracht werden.



Nun hab

Du hab ich diesen Triangel oder dreyeck auß dem grund auffgezogen/wiewol ich die eine fleche hab hinder sich gewendt/es gilt gleich/ es nimpt eben eins arbent wie das ander.




Also hab ich dir auch hieher zwen dreyeck auff einander gestellt/ das mit du weiter etwas magst darauff nemen nach deinem gefallen.

Im Andern/ wil ich dir den grund zu diesem viereck nit machen/ Denn wenn du die acht Figur kanst/ vnd darnach den grund der vierzehenden Figur/ dieselbe vier stein nur hinaus setzst biß an die vier ecken/ vnd als dann acht hast der 15. Figur/ die denn in diesem durchsichtigen stein die ganz förder wand ist/ hab nur fleissig acht/ das du mit den linien zu dem augpuncten recht fereest/ so wirstu selber sehen



Ⓔ

Von der Perspectiff.



wie es sich so fein ordenlich zusammen tregt/ Ich wolte dir in gern mit
allen blindlinien gemacht haben/ so hettestu gar nit darauff mögen
kommen/aber hie mustu acht nemmen der Creutz auff allen seiten/ die
dir alle eck fein ordenlich nach einander abschneiden.


Doch zum



Doch zum besseren verstandt/hab ich zwen vier eck hieher auff ein ander gestelt/darauß du auch etwas weiters nehmen kanst.

Im dritten/so du ein fünff eck wilt machen/so mache dein vierung so groß du wilt/vñ theile darnach der seiten eine an der vierung in zween gleicher theil/darnach nim den ein theil / vnd theile in wider in drey gleicher theil/derselbē drey theil mustu wider ein in drey theil theilen/das der seiten eine an der vierung hat achtzehen theil/derselbē achtzehen theil eins mustu von der vierung hinweg thun / so hastu die vierung zum fünfften eck / so du denn das fünffte eck in die vierung machen wilt / so theile vnden die vierung auff der zwerg linien in zwen gleicher theil/dz die linien in der mitte durch die ganze vierung auffrecht gehe/darnach theil die halb seiten auff der zwergliniē in fünff gleicher theil/ den nime den Circel / setze in mit dem einen fuß auff die mittel linien/

E ij



21


den andern span auß bis auff den dritten punctē / fasse dieselbig weite
 vnd wende den Circel also vnverruckt hinumb auff der zwerg linien /
 vnd mach daselb ein pünctlein / so hastu ein leng am fünff eck / nim
 me denn den nechsten theil bey der mittel linien / trage in auch herumb
 auff die ander seiten der zwerg linien / denn fahre von disem puncten
 mit zwo gleichen linien / neben der mittel linien hinauff / vnd mache deñ
 das Creutz vber ort in die vierung / wo denn dise zwo linien durch das
 Creutz schneiden / da zihē ein gleiche zwerg linien herüber bis an beyde
 seiten

den der vierung
 vnde die mittel
 lin / die fünff
 puncten
 die vierung
 die gleiche lin
 die da pünct gle
 die zwo pünct

22

Ze hab ich die g
 vngern nach in De
 andere art die
 den andern al


seiten der vierung/wo sie die vierung antreffen/daselbst mach punctē/
 oben da die mittel linien durch die vierung schneit/mache auch ein pun-
 cten / Nun hastu die fünff puncten / zum fünff eck / ziehe denn die
 linien von puncten zu puncten/ so hastu dein fünff eck im grundt auch/
 theil den nechsten theil bey der mittel linien mitten entzwen/fahre den
 mit einer gleichē linien hinauff biß ans Creutz / wo sie das Creutz an-
 trifft / da fahre gleich zwergs herüber an die mittel linien / so hastu den
 puncten zum fünff eck/in der mitt.




H Je hab ich disen grundt zum fünff eck auff das schlechst auffge-
 zogen nach der Perspectiff/damit du sihest wie es wirt/ doch kan-
 stu ein andere art erdencken/denn es ist villerley darauß zu machen/
 wie mit den andern allen.

Von der Perspectiff.


Z 3



Wie ich denn auch zwei fünff eck auff das schlechste hieher auff einander gestellt hab.





Z 4




Zum Vierdecen/

Zum Vierdten/ wenn du die vierung zum sechs eck wilt machen/ so
 mustu ein siebendtheil an der ein seiten daruon thun/ wie am drey
 eck/ so ist sie recht/ darnach mach ein Creutz vber ort darinn/ vnd
 auch ein gerads Creutz/ so gibt das gerad Creutz der leng nach an bey-
 den enden zwey eck/ so du denn der breyten nach vber zwerg ein jeglichs
 halb theil der vierung in zwey theil theilest/ so hastu vnden vnd oben an
 beyden seiten zwey eck/ wie es hie ist auffgerissen.




Hie hab ich es auff ein schlechte art auß dem grunde auffgezogen in die Perspectiff.



Von der Perspectiff.




Doch hab ich zwen sechs eck hie neben auff einander gestelt/ der Stern aber stehet nicht dem puncten des vndern sechs eck zu/ sonder in der selbigen höhe dem ort puncten zu/ daruon da form in der 6. Figur gemelt wirdt/ vnd dahinden in der 39. Figur auch.



Zim Fünfften/ So du ein sieben eck in ein vierung wilt machen/so mach ein vierung so groß du wilt/ theile der seiten eine an der vierung in der mitte entzwen/ Nimb dasselb halb theil/vnd theile es wider entzwen/darnach theile dasselb halb theil noch einmal entzwen/denselbe kleinen

kleinen theil noch ein mal entzwey / vnd das kleinst theil also noch ein mal entzwey / das ist ein 16. theil von der halben vierung / an der ganken vierung ein 32. theil / den mustu an einer seiten der vierung hinweg schneiden / so ist die vierung recht zum 7. eck / darnach theil die vierung vnden auff der zwermlinien in der mittlen von einander / vnd nim das halb theil vnd theil es in 5. gleicher theil / darnach theile den 3. theil in 4. gleicher theil / nim die weite vom mittel puncten der vierung auff der zwermlinien bis an den 3. puncten / in den 4. kleinen theilen wende den Circkel hinumb auff der zwermlinien / vnd punctir es / so hastu ein leng des 7. eck vnden auff der zwermlinien / Nun mache ein Creutz vber ort / den zwayten theil vnden in den 5. theilen theile in der mitte von einander / nim den die weite vom mittel puncten der vierung auff der zwermlinien / bis auff das halb theil in diesem andern theil / trags hinumb auff die ander seiten der zwermlinien / vnd punctir es mit diesen puncten / fare mit zwo gleichen linien in die höhe / wo sie vnden das Creutz antreffen / da fare mit einer zwermlinien herdurch bis an das end der vierung / wo sie die zwo seiten der vierung antreffen da punctir es / so hastu wider zwen eck zum 7. eck / darnach nim die weite vom mittel puncten bis an den 2. puncten auff der zwermlinien / vnd punctir es auff der andern seiten auff der zwermlinie auch / zibe von diesem puncte zwo gleiche linien in die höhe / wo sie oben durch das Creutz gehen / da fare mit einer zwermlinien herdurch / so du vom mittel puncten vnden auff der zwermlinien bis an vierdten puncten die weite nimst / vnd auff der andern seiten punctir es / vnd denn von diesem puncten mit gleichen linien in die höhe fereft / wo sie die vorgemachte zwermlinien durchs Creutz antreffen / da hastu wider zwo spizen zu dem 7. eck / so hastu oben am end der vierung in der mitte auch ein eck / zibe es denn von puncten zu puncten / so hastu dein 7. eck. Nun hastu den grundt zum augpuncten darben.

Von der Perspectiff.




Also hab ich das 7. eck auch auff schlechst auß dem grundt der
 Perspectiff auffgezogen/vnd zwey 7. eck auff ein ander gattung
 darbey/damit du se von einem zum andern in ein größern lust
 mögß kommen.

Zum

30

Das sechsten hastu die d
 so du ein ganze vie
 schen mach das Cre
 eckel mit dem einen fuß
 in fuß in das ander eck a
 eckels in dem weck steh
 umb/bis in das ander e
 das Creutz vber den ge
 litten der vierung mach





Im sechsten hastu hie das 8. eck / das bleibt in seiner ganzē vierung /
 So du nun ein ganze vierung hast / vnd das 8. eck darauß wilt ma-
 chen / so mach das Creutz vber ort in die vierung / setz darnach den
 Circel mit dem einen fuß in das ein eck der vierung / vnd mit dem an-
 dern fuß in das ander eck auff derselben seiten / laß also den ein fuß des
 Circels in dem ein eck stehen / vnd reiß mit de andern fuß des Circels
 herumb / biß in das ander eck der vierung / wo denn dieser Circelriß
 durch das Creutz vber ort gehet / da mach ein puncten / also thu den an-
 dern seiten der vierung auch / wo den die vier Circel durch das Creutz

§ ij


Von der Perspectiff.

ober ort gehen / da zihē denn gleiche linien der vierung nach biß aussen
an das end der vierung / wo sie denn die vierung antreffen / da mache
puncten / vnd zihē denn von puncten zu puncten linien / so hastu ein gut
8. eck / wie ich dir es denn auch hie hab vorgeriffen.

31




HIE hab ich dir auch ein 8. eck auff das schlechst auß dem grunde
auffgezogen nach der Perspectiff / vnd zu gleichem theil zwo ander
8. eck auff einander darbey / damit kanstu auß diesen 6. steinen
vielerley gattung machen zu deinem gefallen.



32

Nun hab




N hab ich dir ein 8. eck auffgerissen/ vnd ein Circelriß daren
 gemacht/ so du ein Künde in ein grundt zum augpuncten wölst
 verjüngen/ daß du wissest wie du im thun solst/ aber so du ein ge
 vierdte plat machest dem augpuncten zu/ vnd aber der augpunct nicht
 gleich vber der platten stehet sondern auff einer seiten/ vnd du in dassel
 big blat ein 8. eck machest / vnd in dasselb 8. eck ein Kündung zeuchst/
 so wirstu sehen/ wie fornē an der fleche die gezeichnet ist/ mit dem buch
 staben A. sich die Künde schlin̄ zeucht / das aber nit sein sol / wiewol

F iij


Von der Perspectiff.

man es gemeinlich also lehrt / aber ich wil dir hernach auch eine vor-
 machen / die recht kompt auff der blatten / so der punct schon nicht gleich
 vber der blatten stehet / so aber der punct gleich gerad vber der blatten
 stünde / so wer es nicht falsch / darumb so sihe die hieben geriffene Figur
 fleissig an / so gezeichnet ist mit einem R.




Wenn du ein grundt machest / da der punct nit gleich mitten vber
 dem grundt stehet / sonder auff einer seitē / wie den hie am 8. eck /
 vnd du den ein 16. eck in den selben grundt machst / da sichs doch
 weniger auff der ein seiten solt herauff zihen / denn im 16. eck die
 Ründe sich lest besser zihen / so zeucht sich die abgestolen ründe doch
 an einem ort hinauff / das aber nicht sein soll / denn ein jegliche abgesto-
 lene ründe zeucht sich sein gleich herumb / vnd der grundt so ich hernach
 mache zu solchem abgestollen runden darein zu bringen am besten ist /
 wie es denn einer so ein schlechte ründe Contersehten solt / wol finden
 wirt. Hie sihestu in disem andern achten eck wie ich vor gemelt hab / wie
 vngleich die zwo acht eck in einander komen / aber die ründe sein gleich
 auff beyden seiten wirt / vnd die auch recht mitten auff der blatten ligt /
 denn diser grundt in viel ander weg auch zu brauchen ist.

Disen




Diesen Brunnen hab ich dir der abgestolen ründe halb gemacht/
 damit du sehest / wie sie wirdt / Die weil ich aber noch an der
 Künde bin / wil ich dir ein grundt zu ein schnecken vorreissen/
 vnd darnach den schnecken auß demselben grundt auffziehen / damit
 du sihest / wie die staffel ober einander kommen / wiewol ich den grundt
 nur auff 12. staffel gemacht hab / derhalben du es desto besser sehen
 magst / sunst macht man sie gemeinlich auff 16. staffel.




1675

36



37



So du

S du nun diesen grund zum Schnecken wilt auffziehen in die Perspectiff/so mache in wie ich dich vorhin die andern grund gelehret hab/ so denn der grund also gemacht ist zum augpuncten in die Perspectiff/ so fare mit geraden auffrechten linien auß allen eckē



des grunds/ als nemlich die 12. eck sind 12. auffrechter linien/ darnach fare fornē an der vierung des grunds an dē zwen ecken/ wiewol es das beste were/ wenn du an allen vier ecken die linien auffrecht fürtest/ dar

S

37


Ein

Von der Perspectiff.



nach so mach die dicke der staffel fornen an den ecklinien der vierung
ober einander hinauff/ vnd ziehe es denn auff die zwo hinder ecklinien
der vierung auch/ denn sach fornen die forderst staffel an zumachen/ so
wirstu fein sehen wie eine nach der andern hinauff steigt/ wie ich es dir
denn hie hab vorgerissen. Wiewol ich dir gern den schnecken auß dem
grund wolt auffgezogen haben mit allen blindlinien/ so hettestu doch
nit desto mehr darauß lehren können/denn die linien komm̃en durch
einander an etlichen orten/ daß dich nur würde jr gemacht haben.




Derweil ich aber nun diß Büchlein dir zum anfang in der Per-
spectiff biß hieher hab vorgemacht / vnd es darbey auch wöllen
bleiben lassen/ vnd dir den grundt auff das einfeltigst darinnen ange-
zeigt/ so hab ich es doch nit vnderlassen können/ dir auff das einfeltigst
noch weitem bericht in der Perspectiff zu geben/ deñ ich hoff so du das/
so ich dir vorhin fürgemacht/ wol gelehret hast/du werdest einl haben
etwas weiters zu machen/ darumb ich dir gern dein lust wolt neh-
ren/ damit du in nit vergebens anlegst/vñ etwas fruchtbarlichs n.
ausrichten/ Wie ich dich aber im anfang des Büchleins der Perspec-
tiff in den ersten fünf Figuren nach einander gelehret hab des Aug-
puncten halb/ so du etwas in die Perspectiff wilt bringen/ wiewol das
selb nicht dein Aug ist / aber dein Aug stehet gleichwol dagegen ober/
oder darvon / aber von deinem Aug gehn wol streimen oder linien/
wenn du acht darauff hast / die haben auch kein end/ aber so du etwas
wilt in ein gewissen grund fassen vñ dein gesicht/so müssen dieselben li-
nien an einem ort jr end haben/ dahin setzt man den puncten/die heiße
man den die Aug puncten/wie du denn in diser nachfolgenden ein vnd
vierzigsten Figur wol sehen wirst.

Wen zum ersten aber/so du ein groß gebeuw oder Kirchen vor dir
hettst / die etlich hundert schuch lang vnd breit were/vnd in dem
selben Gebeuw viel Seulen oder wende weren / vñ du aber gern
weit in dasselb Gebeuw oder Kirchen sehen woltest/ mustu nicht so na-
he darbey stehen / sondern must so lang hinder sich gehen/biß du siehest
wie es




39





8 II

15



11

11

die es die am besten
 gen in die Perspect
 abgesehen
 gen grund der Kirch
 gen ist die der gr
 der Baum oder
 gen dem ein Ki
 gen die ist der re
 gen vom A
 gen weiter hin
 gen wie du dem
 gen Männer od
 gen grund ob
 gen dem ande
 gen der forder i
 gen Mann /
 gen grund je
 gen zu zwey
 gen drei gen
 gen schuch
 gen ist eine
 gen beiden end
 gen schlangen gr
 gen grund der Be

 gen aber in der
 gen hat in d
 gen Mannen
 gen die ist wie
 gen in sein sch
 gen aber der ein
 gen auf den grunde

wie es dir am besten gefellt/so du aber nun dieselbig Kirch oder Bauw
gern in die Perspectiff wolst bringen / das du denn gleich auch so viel
mögst hinein sehen/so kanstu im nimmer besser thun/den du reiffest densel
ben grund der Kirchen oder Bauw vor dich mit allen seine wunden vñ
seulen/so den der grundt gemacht ist / als den stell den Mann oder Aug
so disen Bauw oder grundt soll ansehen so weit du wilt vom grundt/
vnd leg denn ein Richtscheit auff dein erwelt Aug/ vñ an dem andern
ort auff die eck der wende oder seule so im grundt sind/so wirstu wol sehen
ob die linien vom Aug weit in alle geng oder gemacht gehn/stehts zu na
he/so laß weiter hinder sich gehen/so lang bistu dein gefallen im grundt
siehest / wie du denn hie in diser ein vnd vierzigsten Figur siehest / da ich
dir vier Männer oder Augpuncten hinder einander gleich mitten ge
gen dem grundt vber gestellt hab/ vnd steht ein jeglicher man oder Aug
punct von dem andern fünffzig schuch weit/da siehestu die blindt linien
t weit der forder in grundt kan sehen/ vñ die andern zween auch bis
zu n letzten Mann / der siehet durch den grundt gar hinaus/ vnd siehet
von diesem grundt zween hundert schuch weit / vnd ist diser ganz grundt
hundert vñ zwentzig schuch lang/ vnd sechzig schuch breit/ Nun hab ich
in mit drey gengen gemacht/ vñ ist der mittler gang im liecht weit sechs
vnd zwentzig schuch/ vñ hoch zween vnd fünffzig schuch/ vnd die zween
neben geng ist einer weit im liecht dreyzehn vnd ein halben schuch/
vnd hoch sibem vnd zwentzig schuch / vnd die zwo wende oder Pfeiler so
durch den ganzen grundt hinaus gehn / ist eine dick drey schuch/ vñ die
cufferst wandt des Bauwes dick vier schuch.

Next aber in der vierzigsten Figur diß blats siehestu wie ich disen
grundt hab in die Perspectiff gelegt/ vnd hab den ersten vnd letz
ten Mann genommen / vnd auß iren Augen die linien zu diesem grundt
gezogen/da siehestu wie der vierdt Mann/so disen grundt ansiehet/im der
grundt in seinem gesicht so schmal wirt/ aber er siehet das gebeuw durch
aus/aber der erst Mann siehet das gebeuw nit vber die helfft/ aber wol
mehr auff den grundt.

Von der Perspectiff.


Diese 39. Figur hab ich dir also auffgerissen/ das du sehest/ wie der grund in der 40. Figur auch sein sol/ wie ich denn im anfang der Perspectiff in der sechsten Figur den grund auch hab auffgerissen/ Aber weñ ich nach dem augpuncten/ den man auff die zwerglinien stell/ wie es sein soll/ so ist der grund eben zwölff schuch breit/ darumb mustu dich alle mal der regel des ersten grunds halten/ vnd die Manns höhe nach dem schuch/ so du in deinē messen brauchst/ nemmen/ denn ich es dem Contersehten am gleichsten halte.

Nun aber hab ich diesen grund/ so ich vorhin in der 41. Figur hab auffgerissen/ auß dem grund in die Perspectiff aufgezozen/ Aber ich hab den schuch zu diesem grund grösser genommen/ das man desto besser sehen kan wie es wirdt/ vñ stehet der Mann von diesem bauw 200. schuch/ wie ich es dir dann in der 41. Figur hab fūrgemacht/ da sihestu durch die drey Thüren des Portals/ vñ sihest wie der gi so schmal bleibt/ vnd die hinder Thüren groß seind.



Nun hab

Vn habich dir das Portal noch einmal fürgemacht/ vnd hab den Maß fünffzig schuch weit daruon gestelt/ da sihestu wie der grund breiter wirdt/ vnd der hinder bogen am Portal so klein wirdt/ Ich hab aber den Maß von der mittel linien gegen der linken hand vier schuch weit auff ein seiten gestelt/ da sihet er die ein wand mehr dann die ander/ vnd hab gleich mitten oberzweg in den vier wunden vier thür durch gemacht / da sihestu das der Maß mit mehr dann das halb nebensheil in das Portal sihet.



Von der Perspectiff.

Derweil es sich aber zu zeiten begibt / das man ein gebeuſſ auch
ober ort ansihet / so geschicht es denn / das man den mittler aug-
puncten nit brauchen kan / wie du denn in den zween gründen
der 39. Figur sihest / da ich die drey augpuncten gemacht hab / da man
dann zu diesen gebeuſſen die zween neben augpuncten braucht / denn
alle linien ziehen sich zu beyden seiten ab / vnd fallen in die beyde aug-
puncten am end / darumb hab ich dir auff das schlechſt hie ein gevierde
durchſichtig Portal auff dreyen staffeln für gemacht / ist vnden der
ganz grund weit in einer ganzen vierung ^{24.} schuch / der staffel eine
breit ein schuch / vñ ein halben hoch / ist der pfeiler einer dick drey schuch /
der bogen einer im liecht weit zwölff schuch / vnd achzehen schuch hoch /
stehet der mittler augpunct neben der mittler linien sieben schuch / vnd
der Mann zwölff schuch weit daruon / der dises Portal ansihet / denn er
nit neher darbey kan kommen / so er es anders recht wil ansehen / wer
wol lieblicher er stünde weiter daruō / Wie ich dich aber in diesen leg 1
Figuren der Portal geuſſen hab / mit dem Mann also zu stellen / vñ
nach seinem aug alle ding in die Perspectiff zubringen / das wol den
Conterſekten vnd lieblichkeit der naturen nach am herrlichsten sihet /
denn was du von bildern darcin machſt / sihet alle mal lieblicher denn
in andern dingen / aber so du wilt / darffſt du mir hierin nicht folgen /
sonder wiltu viel auff den grund sehen / so magstu die augpuncten se-
zen wohin du wilt / hoch oder nider / nach deinem gefallen / doch wie
vorgemelt / wer das am besten / das der natur am ehulichſten wer / es
were dan das der Mann / so etwan ein bauw oder grund solt abſehen /
hieauffen auff einem berg / oder in einem andern gebeuſſ / stünde / so
kündte er dann weit in grund sehen / das muſtu wiſſen / den Mann dar-
nach zu stellen.

Alſo hab ich dir hie auch noch drey Eſterich oder gründ auffgeriſ-
ſen / vnd ist ein jeglicher ein ganze vierung / zwentzig schuch groß /
vnd ſtehn die Männer / so den obern vnd vndern grund ansehen / ein
jeglicher zehen schuch weit daruon / das ist auff das nechſt so er kan /
den er nicht neher kan darbey kommen / wie ich vor auch gemeldt hab /
allein den mittlern grund hab ich nach keins Manns aug auffgeriſſen /
sonder

4 4



Sonder ich hab in so gemacht / das man viel kan auff den grund sehen /
 dem gemeinen brauch nach / damit du sehest / wie die bilder darauff
 werden / Aber die höhe des augpuncten hab ich eben genommen

Von der Perspectiff.


wie an dem obern vnd vnderm grund / da sihestu wie in dem mittler grund die bilder vber einander zu stehn kommen / das du denn im Contersehten nit finden wirst / es were dann / das der grund an einem ort höher leg dann am andern / als wenn er an einem Rain lege / aber wie



du im obern grund sihest / das die bilder alle gegen dem augpunctē sein gleich sich verjüngen / vnd der grund auch viel lieblicher sihet weder der mittler grund / Nun aber in dem vndersten grund hab ich 3. staffel gemacht /

macht / vnd hab die bilder auff die staffel gestelt / das macht das sie ein wenig höher hinden kommen wedere die fördern / darumb halt ich das auffß best / wie ich vor offft gemeldt hab / was nach einer maß des mañs oder nach einem meßstab gemessen vnd gemacht wirdt / das denn der Natur im Contersehten am gleichsten ist.

Nun hab ich dir noch ein grundt oder Esterich in die Perspectiff gemacht / da sind drey vierung an einander mit 4. Pfeilern oder seulen / vnd ist der grundt breit 24. schuch / vnd lang 72. schuch / vnd



2


Von der Perspectiff.

stehet der Mann so diesen grundt ansihet davon ^{40.} schuch weit/ Da
sihestu wie lieblich der Estrich sihet / weder wenn man sie also dahin
macht in die höhe/da man kein rechte ordnung helt/ vnd auch im Son-
tersehten nicht gefunden wirt/ wie den ein jeglicher so darauff acht hat
wol sehen wirdt/so er in einem langen Saal oder einer Kirchen gehet/
wirdt er es nit finden das ein Bild ober das ander wirt sehen/ es were
den wie ich im nechsten grundt hievor gemelt hab auff einer stigen oder
sunst etwas höher stünde dann der ander.


Wenn begibt es sich aber auch zu zeiten / so einer ein Thurn oder
sunst ein groß hohes gebeuw ansihet / dz die stein oder alles oben
hinauß an dem selben gebeuw sich verjüngt / wenn es schon dem
vndersten stein oder fensterwerck gleich ist/ vnd aber doch an einem ort
mehr denn an dem andern/darnach der stehet so solches ansihet/dann
sich in die höhe ein ding eben als wol verjüngt als in die weite.

Darum hab ich disen theiler zu solchem verjüngen hieher gemacht/
so du aber etwas also wolst in die Perspectiff machen/als nemblich ein
Thurn/ so nim den Mann der den Thurn/oder sunst ein groß gebeuw
sol ansehen/ vnd stelle in nach deinē gefallen so weit davon als du wilt/
nim die höhe des Thurns oder gebeuws/ also das oben das ober eck vñ
vnden am grundt auff der erden das ein eck zusamen in den augpun-
cten deins Manns kom men / das gleich ein Triangel darauß wirdt/
Nun nim die höhe des vndersten steins am Thurn/also dz du ein linien
davon in deins Manns Augpuncten fürest/ darnach so stell ein linien
auff die vnder Auglinien/die zu gleichem winckel mit jr stimpt/ dieselb
laß hinauff biß an die ober Auglinien gehen/ da nun dise linien vnden
die höhe der linien des vndersten steins am Thurn antrifft/die faß mit
dem Circel / vnd mach also eitel gleiche theil biß hinauff an die ober
auglinien/ Darnach nim ein Richtscheit/vñ leg es vnden mit dem ein
ort in des Manns Augpuncten/vnd oben in diese theil/vnd verzeichne
es also oben am Thurn diese höhe / leg von puncten zu puncten das
Richtscheit herab/das es aber an dē ein ort als im augpuncten unver-
ruckt bleibt/so sinstu wie die stein nach einander sich hinauff verkleinē/
aber es möcht einer so weit dauon stehen / das im das ober vnd vnder
eins im gesicht were wie das ander/ wie hie an disem eussersten Mann
zusehe ist/dē komē in seinē theiler die obern stein schier wie die vndern.
Nun hab


weil Da
also dahn
ein Gew
ff acht hat
den gebel
en es vort
fügen oder
Thurn oder
er alles oben
es sehen den
h an einem o
ansicht das
breite.
eher gemach
als nemblich
in groß gehu
von als du mi
n das ober eck
in den anzug
Darauf werde
de du ein linte
stell ein linte
stumpfe die sich
in linte vnden
off die sah mit
auf an die ober
den mit dem ein
vord verachne
zu primum das
spannen vort
an auf ruffen
s über und vnder
vnderen Mann
wie die vnder
Dun für




Handwritten signature in red ink, possibly 'B. ...'.



47




47



h ||

30




Nun
gezeichnet
oder malen
in dein gesicht
bilden wie
Nun
ein Le
Maß
daß die spar
einander sein

Nun hab ich auff der 47. Figur dir oben noch ein meinung auffgezeichnet/so man an ein Thurn oder hohe wandt etwas wolt machen oder malen / daß das oberst vnd vnderst eins wie das ander hie vnden in dein gesicht in gleicher größe sehe / es were von Pfeilern oder von bildern / wie ich denselben grundt auch mit einē A. also gezeichnet hab.

Nun hab ich dir hieher noch ein Creutz gemacht/daran hab ich ein Leiter auch also dieser gestalt oben verjüngt / vnd stehet der Mañ so solche Leiter ansihet/24. schuch weit daruon/das mache daß die sparren oben vnd vnden an dieser Leiter schier gleich weit von einander seind.


48



H ij

Vom Circel vnd


Also hab ich mit dieser theilung auch ein stück mauren in die höhe versünget / vnd stehet der Mann darvon 20. schuch weit / der diß stück mauren ansihet / Also kanstu durch diesen theiler ein groß Werck in die höhe gerecht versüngeu.



49

So dir aber fürkeme ein Creutz gewelb in die Perspectiff zu machen wil ich dir auffß schlechß ein meinung anzeigen / dadurch du es machen kanst.

Zum ersten/ mach die weite vnd höhe des gewelbs im licht fornen vnd hinden mit seinem grundt zum augpuncten in die Perspectiff vnd das Creutz vnden im grundt darein/darnach mach oben an die förder wandt / vnd hinden an der hindern wandt / auch an jedem theil ein halben Circelriß / daß es also wie ein bogen gewelb werde/ als denn theile den fördern halben Circelriß oder bogen des gewelbs in 8. gleiche theil / zibe denn von den selben puncten/zum augpuncten im bogen, linien/ so du denn diese linien also gezogen hast/ als denn leg das Richt.



Von der Perspectiff.

scheint oben an diese puncten nider / vnd laß es also gerad herab biß fornen vnden auff die förder zwerglinien gehen / da zeichne denn auff der zwerglinien die puncten alle / so denn alle 7. puncten hie vnden auff der zwerglinien gezeichnet sind / als dan leg vnden von diesen puncten biß zum augpuncten das Richtscheit / vnd zih also linien durch den grundt / vnd wo sie das Creutz im grundt antreffē / da punctir es / Nun nim mit einem Circel an der auffrechten linien die weitte der puncten im Creutz vnden / vnd trag sie oben an die 7. linien die im bogen zu den augpuncten zugehen / vnd zeichne also alle 12. puncten / wie du denn hie in dem auffgerissnen wol sihest wo ein jeder punct stehen sol / aber doch den mittlern schloßpuncten im gewelb wirstu am besten finden durch das Creutz / so du oben durch die 4. eck pfoften machst / wie im grundt / So du es den also punctirt hast / den zeuch von puncten zu puncten das Creutz gewelb zusammen.

WENN dir aber nun ein Kirchen oder Saal mit viel Creutz gewelben vorkem zu machen / denn etwan ein ablange zu zeitten ein ganze vierung ein Creutz gewelb gibt / wie du solchs im Conterfecten finden wirst / als denn mach zu einem jeden Creutzgewelb sein sondern grundt oder vierung / wie es sich denn auch erfordert / vnd ich dir denn hievor im nechsten gezeigt hab / den wie ein gewelb zu machen ist / also seind auch viel zu machen / wie ich denn hie drey Creutzgewelb an einander gemacht hab / doch kompt etwan eins anders den das ander / darnach die augpuncten stehen.

ALSo hab ich noch hieher zwen gewelb neben einander gemacht / wiewol sie nit gleiche Creutzgewelb sind / wie die hie fornen angezeigt / sondern die 3. mittlern pfeiler in den 2. gewelben schliessen in sich 2. ganze 6. eck / vnd ist diß gewelb also hie bey den zwo fordern Thüren am Römer / das ist am Rathauß / Ich hab es also ungeser abgemessen das ein Pfeiler von dem andern stehet 16. schuch weit / vnd ist der Pfeiler einer dick 3. schuch / stehet der Mann so solchs gewelb ansihet darvon 46. schuch weit.

Nun

gerad hoch
zeichne dem
in hie vnd
in diesen pun
linien durch
puncte es/ Na
tte der puncte
am hogen zu
wie du dem h
en sol/ aber do
en finden dur
wie im grund
zu puncten d

viel Kreutz
lange zu sein
s im Conterfe
gewelb sein
dert/ vnd ich
h zu machen
Creutzgew
rs den das


nder gemach
ie formen au
schließen in
ordern Zehn
eser abgem
und ist der
ausseth daru







Die
Perf
same
&



NW wil ich also hiemit auff dißmal das Büchlein von der
 Perspectiff beschliessen/ darinn ich verhoff du ein genug-
 same anleytung zu diser Kunst finden wirst/ So mir aber
 Gott das leben gännet/ vnd ich sehe das der jugend
 hiemit gedienet wer/ wolt ich hernach ein grösser
 Werck von sölcher Kunst an tag geben.



Der dritte Theil / Sonder Proportion der Menschen.

Derweil ich aber die Proportz dir also auff das schlechft fürmach vnd beschreib / mustu nit gedencen / das du allemal / so du ein bild stellen oder machen / wölst mit diser theilung also vmb gehen / den damit würdestu viel zeit zubringen / Sondern darauff mustu sehen vnd acht haben / das du diese theilung lernest auff das best im sinn behalten / Wiewol du hernach sehen wirst / so ich die Bilder ansahe zu biegen vnd wenden / das nur etliche theil fürnemlich bleiben / aber so du diese theilung der leng nach wol fassest vnd dir einbildest / wirstu alle mal darnach wol sehen / so du ein Bild stellest / das nit der bauch dick vnd die schenckel dünn seyen / das du nit / wie man sagt des Teuffels glidmaß machst / den kopff klein / den bauch groß / die schenckel dünn / den / wie vor gemeldt / so du dich zum ersten beflissest die Theilung zu fassen / die doch schlecht ist / wirdt dich darnach alle ding im biegen vnd wenden desto geringer ankömen.

Die leng des Manns.

Sich nun wil ein Mannsbildt in seiner Proportz machen / so mach ich ein auffrecht gerade linien / kurz oder lang / wie ich den Mann machen wil / vnd theile dieselbig in acht gleiche theil / darnach nim ich derselben theil ein / vnd theil in wider in 5. gleicher theil / wil ich aber so theile ich dieselben 8. theil alle ein jedlichs in 5. gleiche theil / das weren 40. theil / aber du must am vndersten achten theil der 5. theil eins hinweg thun / so bleiben noch 39. theil / dis ist die gantze Manns leng / von der scheidel bis an die solen.

Nun wil ich den forwerthen Mann theilen mit diesen 39. theilen / Zum ersten ist der kopff hoch 5. theil / das ist der 8. theil eines / darnach nim ich vom kin bis an das halßgrüblein 2. theil / in dieser höhe stehen die achsel gleich / das mustu sonderslich wol mercken / vom halßgrüblein bis vnder die vchß 2. theil / vnder der vchß bis auff die warz der Brust

Laust/Nim ich ein theil von der warzen bis in die weich drey theil/von der weich bis auff die hüfft zwey theil / der nabel ist gleich zwischen der hafft vñ weich/von der hüfft bis ins hüfft gleich zwey theil / vom hüfft gleich bis zu ende der scham drey theil.

Nun beugt sich aber der ober schenckel zwischen der hüfft vnd knie nicht/aber die einbeissung des beins oben am dicken soltu auch wissen/ ist vom hüfft gleich bis auff die einbeissung des beins fünff theil/ Nun ist vom hüfft gleich bis mitten in das knie zehen theil / von mitten dem knie obsich ein theil/ sehet das knie an / von mitten dem knie vnder sich ein theil/ hat das knie ein end.

Von mitten dem knie bis	{	an eussersten waden	}	4	{	theil.
		an innern waden		5		
		an knorren		10		

Vom Knorren bis an die Solen sind zween theil.

Die leng des Arms.

Der Arm ist lang vom Achsel gleich bis in Elenbogen sechs theil/ vom elenbogen bis an die hand ist $5\frac{1}{2}$ theil / die hand ist lang $3\frac{1}{2}$ Ist der ganz Arm mit der hand lang fünffzehen theil / so der Mann den Arm stracks am leib hat / so gehen fornem die finger bis an die einbeissung des beins/vnd geht der Elenbogen in die weich.

Die dicke des vorwerkzen Manns.

Set der Kopff fornem breit vier theil / der Hals ist breit $2\frac{1}{2}$ theil/ durch dz Halsgrüblein in die Achsel gleich breit acht theil / sind die Achsel gleich weit von einander sechs theil / ist zwischen den vchsen weit von einander $6\frac{1}{2}$ theil / die warzen an brüsten stehen weit von einander vier theil / in der weich dick sechs theil / ist auff der hüfft dick $6\frac{1}{2}$ theil / ober das hüfft gleich dick $7\frac{1}{2}$ theil / die hüfft gleich sind weit von einander fünff theil / oben in der einbeissung des beins dick drey theil / ob dem knie dick $2\frac{1}{2}$ theil / mitten durchs knie völlig zwey theil / vnder dem knie zwey theil. Du solt auch die fünff theyler

Von der Proportion


am knie wol fassen/ damit du wissest den innern vñ eussern wade
zufassen/ Bey dem eussern waden dick $2\frac{1}{2}$ theil/ bey dem innern w
dick zween theil/ ist der fuß ob dem knorren dick ein theil/ der fuß i
nen breit zween theil.

Die dicke des vorwertzen Arms.

Ist der vorwertz Arm ober die Achsel breit zween theil/ im elenbo
gen breit $1\frac{1}{2}$ theil/ vorm Elenbogen ist der Arm breit zween theil/
bey der hand ist der Arm eines guten theils breit/ die hand ist breit
zween theil.

Diervell ich aber noch am vorwertzen Mann bin mit seiner thei
lung/ so wil ich dir das anzeigen/ das soltu wol acht nemmen/ vnd mit
fleiß behalten/ Du hast vom Achselgleich bis in das hüftgleich zehen
theil/ von dem hüftgleich bis mitte in das knie zehen theil/ von mitten
dem knie bis an den knorren zehen theil/ das sind drey gleicher theiler/
das mustu wol behalten/ den das ist das fürnembst/ vnd am geringsten
zubehalten/ Nun hastu in den drey theilen 30. theil/ so mustu noch neun
theil haben/ so hastu die ganz Manns leng/ nun ist der kopff fünff theil
hoch/ der hals zween theil/ sind zusammen sieben theil/ so hastu vnden
vom knorren bis an die solen noch zween theil/ sind zusammen neun
theil/ So hastu die neun vnd dreissig theil des ganzen Manns leng/
hernach so ich den Mann bieg oder wende/ wirstu sehen wozu die thei
ler dienen.

Die



Die dicke des Manns nach der seiten.

Wen wil ich den Mann nach der seiten mit seiner dicke machen/
 Zum ersten/ ist der kopff so breit als hoch er ist/ das ist fünff theil/
 so ist der halß vnder dem kin dick $2\frac{1}{2}$ theil / vber das halßgrüblein im
 Achsel gleich $3\frac{1}{2}$ theil/ durch die brust $5\frac{1}{2}$ theil/ in der weich vier theil/ auff
 der hüfte $4\frac{1}{2}$ theil/ durch dz hüftgleich fünff theil / durch die einbeissung
 des Beins $3\frac{1}{2}$ theil / ob dem knie $2\frac{1}{2}$ theil/ mitten im knie nit gar $2\frac{1}{2}$ theil/
 vnder dem knie auch also/ vber dem eusern waden drey theil/ vber dem
 innern waden $2\frac{1}{2}$ theil / ob dem knorren $1\frac{1}{2}$ theil/ der fuß ist lang 6. theil.


3 ij

Von der Proportion.

Dicke des Arms nach der seiten.

Der seitwärts Arm ist oben an der Achseln breit drey theil/ vnde durch die Brust zween theil/ bey dem Elenbogen $1\frac{1}{2}$ theil/ forr bey der hand nit gar ein theil.

Der hinderwärts Mann ist zwischen den vchsen breit sieben th der hinder gespalten $2\frac{1}{2}$ theil/ die versen hinten breit ein theil.



Zerweil ich dir nun dise Manns bildt hab vorwärts beseits vnd hinderwärts sūrgemacht/wil ich dir auch auff das einfeltigst ein Manns haupt vorwärts vñ nach der seiten sūrmachen / darmit du auch ein gemeine theilung oder maß im angesicht hast / so du aber das wol

das wol gelehret hast/ darffstu darumb nicht statts darbey bleiben/ dz du alle angesicht so du machen solt wölst abtheilen/ denn so du viel angesichter soltest Contersehten/ wirstu keins wie das ander finden.

Die theilung des seitlichen Manns angesicht / mach ich also / ich nim des haupts höhe fünff theil/ wie ich es den vor in des Manns bildt gemacht hab / vnd also breit das es gerad ein gute vierung ist / dieselb vierung theile ich in vier gleicher feldt / oberzweg vnd nach der leng/ das die ganz vierung bekumpt sechzehen kleiner vierung / fornen aber da das angesicht sol hinkommen/ theil ich dieselben vier vierung zu forderst mitten mit einer auffrechten liniē entzwey/ da kompt der mundt/ die nass mit irem end / vnd das Aug vnd der stirn anfang alle daran/ darnach theile ich dasselb halb theil fornen hinaus/ noch einmal entzwey / mit einer auffrechten linien / da kompt vnden das kien die oberleffzen vnd der nasen anfang drein.

Wie weit das Aug gehn sol/ hab ich mit einer kleinen auffrechten linien gezeichnet/ das feldt da dz Ohr hinkömen sol/ theil mitten mit einer auffrechten linien entzwey/ so kompt das Ohr in das halb feldt/ vñ ist eben so hoch als dasselb feldt vñ als lang als die nass/ ist auch gemeinlich allemal in allen angesichten das Ohr.

Die ober zweg liniē in diser vierung zeigt dir fornē an wo die stirn sol anfahen/ die ander zweg linien zeigt an der nasen anfang/ vnd die Augbraen vñ oben das Ohr/ die dritt zweg linien zeigt dir vnden der nasen end vnd des Ohrs / Nun ist aber oben am end der vierung die zweglinien die zeigt die scheittel/ vnd vnden die zweglinien am end der vierung zeigt an das kien/ diese zwo linien bleiben stets in irer vierung onverruckt/ aber die andern drey zweglinien in der vierung verwandlen sich zu zeiten/ wie mans denn im Contersehten findt.

Nun theil ich vornen da die nasen stehn sol dasselb feldt von oben herab in drey gleicher felder mit zwo zweg linien / die ober zweg linien/ gibt dir wie weit das auch sol herab gehn / die ander zweg linien gibt dir wie weit das nasen bele sol ob sich gehn.

Nun theil ich die vnderst vierung fornen in 4. gleicher theil mit drey zweglinien/ gibt die ober linien die spaltüg des munds/ die ander den anfang des kiens/ vnd die dritt bleibt stehn/ den das kien hat 2. theil in.


verwechelt mit
auff das anfang
fürmachen dar
sicht hast so du an
das



den
drey theil
gen 2. theil
breit sechz
an theil.


Von der Proportion

Nun hat das vorwerkz angeficht alle zwermlinien eben wie das nach der seiten/ aber das vorwerkz angeficht ist breit vier theil/ so ich die selb vierung hab/ theil ich sie vber zwerz in fünf gleich theil/ vnder scheid ich dieselben fünf theil mit vier auffrechten linien/ kompt in das mittler theil die weite des mundts/ vnd die breite der nasen/ vnd fahen oben an der selben 2. linien die augen an/ vnd seind als breit als der sel der eins ist/ wie ich sie dir denn hieher hab fürgerissen.



S Du nun ein bild in stein oder holz wöllest bossieren / vnd du deines machens wöllest gewisz sein/ das es dir nit falsch würde/ were es das beste/ das du zum ersten diese schnitt wol lernest / denn so du dieselbigen wol kanst/ vnd das ein bild/ wie du dasselbig wolst bossieren/ es were gebogen oder auffrecht/ auff holz oder stein/ auff einer seiten des holz auffreist/ vnd du denn die selbigen schnitt nach der seiten gethan hast/ so mustu denn das bild vorwerkz mit seiner breite auch wissen auff zureissen / so du denn dieselbigen schnitt auch gethan hast/ das das bild allenthalben in seiner vierung stehet / mustu denn wissen so du die eck allenthalben an dem bild abschneidest/ das du sin dann nit zu viel thuest oder zu wenig/ denn wenn du mit diesen schnitten recht vmbgehest/ darffstu dich nit besorgen das dein bild bald falsch werde/ denn so das bild auff ein seiten sich wenden solle/ mustu die schnitt im auffreissen wissen zu stellen/ wo der leib in einander oder auß einander gehen sol/ denn wenn ich hernach die bilder in iren schnitten biegen wird/ soltu acht nemmen/ wie es sich schickt/ Nun hab ich den ruckgrad/ da sich


da sich der Leib in beugt/hie an diesem seitlichen Mann gezeichnet mit runden ringlein.




Vn wil ich dir diser bilder eins in seinen schnitten auffreissen/ vñ
 Wenn des Manns gestalt darneben mit etlichen schnitten an sei-
 nem Leib/ als nêlich der kopff in seiner vierung/ vnd den die ganz
 Brust bis in die weich/ da denn das gebein der Rippen ist/ vnd den vn-
 den das hüfftblat / vnd an den schenckeln vnd Armen wil ich gerade li-
 nien machen/ vnd zum dritten wil ich darneben ein Todten mit seinem
 gebein machen / des soltu aller wol warnemmen / denn so ich hernach
 die bilder biegen oder wenden wil/ wirstu sehen so du des Todts mit sei-
 nem gebein wol acht nimpst/ wo bein oder fleisch sol sein / wie es sich in
 einander truckt/ vnd auß einander zeucht/ wie ich dir den hernach den
 Todten wider wil mit fleisch vberziehen.

Von der Proportion

Nun hab ich dir sie hieher vorwertz vnd nach der seiten zusamen gesetzt/ damit du desto besser sehen kanst wie sie beyde kommen.



Die leng



Die leng des Weibs.

Derweil ich dir des Manns Proportz biß hieher hab vorgemacht/
 wil ich dir nun das Weib in seiner theilung auch beschreiben/
 Nun theil ich das Weib mit dem theil wie ich an dem Mann gebraucht
 hab/vnd bleibe mir auch an der ganzen leng in den 8. theilen/das ist in
 den 8. kopff höhe oder leng ein theil ober/nelich der vnderst fünfft theil/
 das an der ganzen leng sind oder bleiben 39.theil wie am Mann/aber
 doch kommen die theiler viel anders denn an dem Mann.

Nun theile ich das Weib in iren theilen/vnd ist von der scheidel biß
 auffss kien fünff theil/ das ist des Kopffs höhe.

R

Von der Proportion

Vom Kien bis auff das halßgrüblein sind 2. theil.
Vom halßgrüblein bis vnder die vchß sind 2. theil.
Mitten auff die Brust 1. theil.
Vnder der Brust bis in die weich sind 3. theil.
Von der weich in Nabel 2. theil.
Vom Nabel bis ins hüftgleich 2. theil.
Vom hüft gleich bis vnden an die scham 2. theil.
Vom ende der scham bis zu end des hindern 1. theil.
Vom hindern bis in die einbeissung des beins 3. theil.
Von der einbeissung des beins bis auff das knie 3. theil.
Ob dem knie bis mitten ins knie $1\frac{1}{2}$ theil.
Von mitten dem knie bis vnder das knie 1. theil.
Vnder dem knie bis an den euffern waden 3. theil.
Vom euffern waden bis an innern waden $\frac{1}{2}$ theil.
Vom innern waden bis auff den Kist 4. theil.
Vom Kist bis an knorren ist $\frac{1}{2}$ theil.
Ist der fuß hoch $1\frac{1}{2}$ theil.

Die leng des Arms.

Ist er vom Achsel gleich bis in Elenbogen 7. theil.
Vom Elenbogen bis an die hand 5. theil.
Die hand ist lang 4. theil.

Dicke des vorwerzen Weibs.

Der Kopff ist breit 4. theil / ist der halß vnder dem kien dick $2\frac{1}{2}$ theil.
Durch das halßgrüblein im Achselgleich ist sie breit 8. theil / stehn die
Achseln gleich weit von einander 6. theil / zwischen den vchsen sind die
Arm weit von einander 5. theil / die warzen an Brüsten stehn weit
von einander 3. theil / vnder den Brüsten dick 6. theil / In der Weich
dick $5\frac{1}{2}$ theil / auff der hüft ober den nabel dick 7. theil / ober die hüft
gleich 8. theil / stehn die hüft gleich weit von einander $5\frac{1}{2}$ theil.
Vnder der scham ist das bein dick $3\frac{2}{3}$ theil eins theils.
Ober die einbeissung des beins dick 3. theil / ob dem Knie 2. theil / vnd $\frac{1}{3}$
theil eins theils / durch das Knie dick 2. theil.

Vnder

Vnder dem Knie ein wenig weniger denn 2. theil.

Über dem euffern Waden 2. theil / Über dem innern waden $\frac{7}{8}$ theil weniger denn 2. theil.

Durch den Rist 1. theil / Ist der fuß fornen breit 2. theil.

Dicke des forwerkeren arms.

Ist oben über die vchsen dick $\frac{7}{8}$ theils / weniger denn 2. theil.

Oben durch die Mauff dick 2. theil.

Ben der hand dick 1. theil / die hand ist breit $\frac{7}{8}$ theils weniger den 2. theil.

Scheitel.

Vnderm kin.

Im Achselgleich.

Durch die Brüst.

In der weichen.

Auff der Hüfft.

Im Hüfftgleich.


End der scham.
End des hindern.

Einbeiffung des
Beins.

Ob dem knie.
Mitte im knie.
Vnder dem knie.

Auffer waden.
Inner waden.

Auff dem Rist.
Vnderknorren.
Soll.



R ij

portion
sind 2. theil.
sind 2. theil.
3. theil.
2. theil.
dem 1. theil.
beins 3. theil.
das knie 3. theil.
theil.
3. theil.
1. theil.
theil.
dem 7. theil.
6.
er dem kin dick 2.
breit 3. theil / ist
oben den vchsen
an Brüsten
6. theil / In der
7. theil / ober
ander 5. theil
theils.
dem knie
al

Von der Proportion

Die dicke des Weibs nach der seiten.

- Ist der kopff als breit als hoch er ist/nemblich 5. theil.
Vnder dem kien ist der Hals dick $2\frac{1}{2}$. theil.
Durch die höhe der Achsel dick $\frac{2}{3}$ theils weniger denn drey theil.
Durch das halßgrüblein dick drey theil/durch die vchsen auff die brust
dick $4\frac{1}{2}$ theil.
Mitten durch die brust fünff theil.
Vnder der brust $4\frac{1}{2}$ theil.
In der weich $\frac{2}{3}$ theils weniger den vier theil/auff der hüfft ober den na-
bel dick fünff theil/ober die hüfft gleich sechs theil.
Ober end der scham fünff theil.
Ben ende des hindern vier theil.
Durch die einbeissung des Beins vier theil.
Ob dem knie eins $\frac{2}{3}$ theils weniger denn drey theil.
Mitten durch das knie zween theil/vnd $\frac{1}{3}$. theil eins theils.
Vnder dem knie auch also / ober den euffern waden auch $2\frac{1}{3}$. theil
eins theils.
Ober den innern waden zween theil.
Ober dem Rist $1\frac{1}{2}$ theil.
Durch den knorren $2\frac{1}{3}$. theil eins theils / ist der fuß lang $\frac{2}{3}$. theils weni-
ger denn sechs theil.

Dicke des Arms nach der seiten.


- Ist der seitwertz Arm oben in der Achsel dick $\frac{1}{3}$. theil weniger denn
drey theil.
Durch die mauff oben dick $2\frac{1}{2}$ theil.
Im Elenbogen dick $1\frac{1}{2}$ theil.
Vor dem Elenbogen $\frac{2}{3}$ theil weniger denn zween theil.
Ben der hand dick ein theil.
Die hand dick ein theil/vnd $\frac{1}{3}$ theil eins theils.
Das hinderwertz Weib ist hinden zwischē den vchsen breit sechs theil/
vnd $\frac{1}{3}$ theil eins theils

Der

Der hinder ist gespalten 3. theil.

Die Ferschen ist breit 1. theil vnd $\frac{1}{2}$. eins theils.

Dieweil ich dir nun das Weib in seiner theilung hab vorgemacht / so soltu der dreyer theil an dem Weib auch warnemen / wie ich dich vor auch an des Manns Proporz gelehrt hab / aber an dem Weib komern sie anders.




Als mustu wol behalten / damit du das Weib vnd den Mann
 wissest zu vnderscheiden in den dreyen theilen / als vom achsel
 gleich bis ins hüfft gleich / vom hüfft gleich bis mitten ins knie /
 von mitten dem knie bis an die solen / da gehet des Weibs vnderster

R iij

Von der Proportion

theil aus/aber an dem Mann geht der vnderst theil auff dem fuß auß/
vnd sind an dem Mann die drey theiler gleich / ist einer lang 10. theil/
aber hie an dem Weib ist der oberst theil zwischen dem achsel gleich
vnd hüfft gleich lang 11.theil das ist $\frac{1}{2}$.theil lenger deñ die andern 2.theil/
der einer lang ist $10\frac{1}{2}$. theil/deñ die Weibsbilder haben in irer Proportz
gemeinlich lange leib/ vnd seind kurtz von schenckeln oder beinen.

So ich nun das Weib in seiner theilung hab auffgerissen/ wil ich
dir es auch in iren schnitten auffreissen/ damit du auch siehest wie es sich
in iren schnitten helt gegen des Manns schnitt/vnd hab den Kuck grad
in den theilern auch gezeichnet mit runden Kinglein.



Ich wolt

Du wilt dir auch der Weibs häupt eins in seiner theilung haben vorgerissen / so ist der vnderscheidt an einem Manns oder Weibs häupt nit so groß / allein das die Weiber gemeinlich zärtlicher sind in iren angesichten / das denn einer so ers Conterseht wol befindet / allein das ist an de seittwerkzen häubt des Weibs der gröst vnderscheid / das hinden das häupt nit so hart hinein geht als an des Mañs häupt.

Nun wil ich dir das Kindlein in seiner theilung machen / das sol seiner Köpff oder häupt $4\frac{1}{2}$ hoch sein / dasselbig häupt theile ich auch in 5. gleicher theil / wie an dem Mann vnd Weib / mit denselben theilen theil ich das ganz Kind / ist derselben theil lang 22. Wiewol ich dieselben theil auch zertheile / wie ich es den hie an des Kindshaupt hab bey gezeichnet / ein in 3. theil / ein in 4. theil / vnd ein in fünff theil / wo es denn die theilung erfordert / nim ich derselben kleinen theil viel oder wenig / wie es die Proporz erheischt / nun hab ich dir auff der andern seite / an des Kinds leng 9. theil gemacht / ist des Kinds ganze leng bis auff $\frac{2}{3}$ theil eins theils / dieselben $\frac{2}{3}$ theil kommen zwischen das häupt vnd achselgleich / nun ist das häupt derselben ein theil zwey hoch / so ist vom Achselgleich bis auff dz hüftgleich derselben 9. theil / 3. vom hüftgleich bis mitten ins knie 2. von mitten dem knie bis an die solen auch zwey / sind also zusammen 9. theil / vñ die $\frac{2}{3}$ theil / eins theils zwischen dem kien vnd halßgrüblein ist die ganze leng / das soltu wol behalten / denn solches wirt dir hernach im biegen vnd wenden auch am besten dienen.

Die leng des Kinds.

Der Köpff ist lang oder hoch 5. theil.

Vom kien bis ins Achselgleich $\frac{2}{3}$ theil eins theils.

Vom Achselgleich bis auff die brust 1. theil.

Von der Brust bis vnter die v. hß $\frac{2}{3}$ theil eins theils.

Vnder den vchsen bis auff die wartzen an de brüsten $\frac{2}{3}$ theil eins theils.

Von den wartzen bis vnder die brust $\frac{2}{3}$ theil eins theils.

Vnder der Brust bis in die weich 1. theil / vnd $\frac{2}{3}$ theil eins theils.

Von der weich bis in Nabel 1. theil.

Vom Nabel bis auff die hüft $\frac{2}{3}$ theil eins theils.

Vonder hüft bis ins hüftgleich 1. theil / vnd $\frac{2}{3}$ theil eins theils.

Von dem hüftgleich bis vnden an den bauch $\frac{2}{3}$ theil eins theils.

Vm ende des bauchs bis auff das gemecht $\frac{2}{3}$ theil eins theils.



Von der Proportion

Zu ende des gemechts $\frac{7}{8}$. theil eins theils.
Vom ende des gemechts biß zu ende des hindern ist $\frac{7}{8}$. theil. (theil.
Vom end des hindern biß in die erst einbeiffung oder runzel hinden $\frac{7}{8}$.
Von der erstē runzel biß zu der andern/das ist gleich ob dē knie/1.theil.
Von der andern runzeln oder ob dē knie biß mitten in das knie $\frac{3}{4}$. theil.
Von mitten dem knie biß vnder das knie ist $\frac{3}{4}$. theil eins theils.
Vnder dem knie biß zu ende des Wadens ist 2. theil.
Vom ende des Wadens biß auff den Kist ist 1.theil.
Der Fuß ist hoch ein theil /vnd $\frac{7}{8}$. theil eins theils.

Die leng deß Arms.

Von dem Achsel gleich biß in Ellenbogen ist 4. theil.
Vom Ellenbogen biß an die hand ist 3.theil / die hand ist lang 2 $\frac{1}{2}$. theil.

Die dicke deß forwercken Rindts.

Durch das Achselgleich ist breit 5. theil.
In dieser höhe stehen die Achselgleich weit von einander 4. theil vnd
 $\frac{1}{2}$. theil eins theils.
Vber die Brust 6. theil vnd $\frac{7}{8}$. theil eins theils.
Die warzen an den Brüsten stehen weit von einander 3. theil.
Durch die vchsen 4. theil vnd $\frac{3}{4}$ theil eins theils.
Durch die weich 4. $\frac{1}{2}$. theil.
Durch den Nabel 5. theil.
Vber die hüfft 5. theil vnd $\frac{7}{8}$. theil eins theils.
In dieser höhe stehen die hüfftgleich weit von einander 4. theil.
Das bein ist vnder dem gemecht dick 2. theil vnd $\frac{3}{4}$. eins theils.
Durch die erst Runzel dick 2. theil vnd $\frac{7}{8}$. theil eins theils.
Ob dem knie dick 2. theil.
Mitten durch das knie 1. theil vnd $\frac{3}{4}$. theil eins theils.
Vnder dem knie 1. theil vnd $\frac{3}{4}$. theil eins theils.
Vnder dem waden 1. theil vnd $\frac{1}{2}$. theil eins theils.
Auff dem Kist 1. theil.
Der vorwertz Fuß ist breit 1. theil vnd $\frac{3}{4}$. theil eins theils.

Dicke

Dicke des forwercken arms.

Ist bey der vchßen breit $1 \frac{1}{2}$. theil.
 Im Ellnbogen 1. theil vnd $\frac{1}{2}$. theil eins theils.
 Von dem ellnbogen dick 1. theil vnd $\frac{1}{2}$. theil eins theils.
 Bey der hand breit 1. theil.
 Die hand ist breit 1. theil vnd $\frac{1}{2}$. theil eins theils.

Die dicke des kindts nach der seiten.


Ist das haupt so breit als hoch es ist / das ist 5. theil.
 Durch das halßgrüblein dick 2. theil vnd $\frac{1}{2}$. theil eins theils.
 Durch das Achsel gleich dick 2. theil vnd $\frac{1}{2}$. theil eins theils.
 Vber die Brust dick 3. theil vnd $\frac{1}{2}$. theil eins theils.
 Durch die vchßen dick 4. theil.
 Vnder der brust 3. theil vnd $\frac{1}{2}$. theil eins theils.
 Durch die weich $3 \frac{1}{2}$. theil.
 Durch den Nabel 3. theil vnd $\frac{1}{2}$. theil eins theils.
 Vber die Hüfft 4. theil vnd $\frac{1}{2}$. theil eins theils.
 Durch das Hüffgleich 4. theil vnd $\frac{1}{2}$. theil eins theils.
 Zu ende des Bauchs 4. theil vnd $\frac{1}{2}$. theil eins theils.
 Vber die Scham 4. theil.
 Zu ende der scham 3. theil vnd $\frac{1}{2}$. theil eins theils.
 Zu ende des hindern 3. theil vnd $\frac{1}{2}$. theil eins theils.
 Durch die erst runzel 2. theil vnd $\frac{1}{2}$. theil eins theils.
 Ob dem Knie $2 \frac{1}{2}$. theil / durch das Knie 2. theil.
 Vnder dem Knie 1. theil vnd $\frac{1}{2}$. theil eins theils.
 Vnder dem waden 1. theil / vnd $\frac{1}{2}$. theil eins theils.
 Auff dem Kist $1 \frac{1}{2}$. theil.
 Der Fuß ist lang $3 \frac{1}{2}$. theil

Die dicke des arms nach der seiten.

Durch die dicke des arms 2. theil vnd $\frac{1}{2}$. theil eins theils.
 Oben durch die Mauß 2. theil.

Von der Proportion.

Durch den Ellenbogen 1. theil/ vnd $\frac{7}{8}$. theil eins theils.
 Vor dem Ellenbogen im dicken $\frac{1}{2}$. theil.
 Bey der hand gleich $\frac{7}{8}$. theil eins theils.
 Die hand ist breit 1. theil.




Das hinderwerk Kind ist hinten zwischen den vohsen breit 5.
 theil vnd $\frac{7}{8}$. theil eins theils.
 Der hinder ist gespalten 2. theil.
 Die Ferschen ist breit 1. theil.

Am

Nun wil ich dir des Kinds haupt auch in seiner theilung auff das schlechft vormachen/damit du auch ein gemeine theilung von einem Kinds Angesicht hast / das dasselbig nach seiner kindischen art der ganzen Proporz des Kinds auch seiner gliedmaß gleichformig werde.

Zum ersten nim ich die höhe des Haupts die fünff theil / wie ich es vorhin an des Kinds Proporz hab angezeigt / doch mach ich das haupt grösser / damit alle theil wol zu sehen sind / vnd mach dz seitwertz haupt also breit als hoch es ist / darnach theil ich der seiten eine an diser vierüg in fünff halber theil / darnach nem ich die 4. theil vñ laß den halbē theil stehen / diselbigen vier theil ist die breite des forwertzen Haupts / die setz ich gleich mit zwo auffrechten linien / neben das seitwertz Haupt / Nun theil ich die höhe des haupts mit drey zwerghlinien in vier gleiche Feldt durch dz forwertz vñ beseitz haupt / darnach theil ich das seitwertz haupt auch in drey auffrechten linien in 4. gleiche feld / widerumb theil ich das



Von der Proportion

fortwertz haupt in seiner breite auch mit drey auffrechten linien in vier gleiche Feld / auch theil ich die zwey sördern theil ein jedlichs mit drey zwerglinien in 4. gleicher theil / werden also auß diesen 2. theilern gemacht 8. theil / Nun bleibt oben der erst theil zwischen der augpraen vnd dem Auggliedt stehen / der ander theil gibt die höhe des aug / der dritt theil bleibt vnder dem aug vnd ob de Nasballen stehen / der vierd theil zeigt an die höhe des Nasballens / Nun zeigt in dem vnderste theil die erst zwerglinien an die spaltung des Munds / bey der 2. zwerglinien fahet das Kin an / vnd bey der 3. zwerglinien end das Kin / die zwerglinien vnden an der ganzen vierung gibt dir das drollein vnderm Kin / darnach theil ich den obersten vierden theil auch mit 2. zwerglinien in drey gleiche Feld / gibt mir die vnder zwerglinien in diesem theil oben an der stirn den anfang des hares.


Nun theil ich an dem seitwertzen Haupt oder Angesicht da die Nasen fornen sol hinaus gehen / denselben 4. theil an der ganzen vierung des Haupts in der mitt entzwey / darnach theil ich derselben halb theil ein jeden mit zwo auffrechten linien in drey gleiche theil / kommen in dem ganzen theil 5. auffrechte linien mit 6. gleichen Felden / nun fare ich hinder sich von der Nasen das Angesicht zu theilen / Triffst fornen die erst auffrecht linien oben die stirn / vnd vnden die öbern leffzen des Munds / die ander auffrechte linien zeigt hinden das Nasbeinlein vnd das end des Munds / vnd vnden das holkele vnder der vndern leffzen / die dritt auffrecht linien zeigt an der stirn oben den anfang des hars / vnd oben den anfang des Augs vnd vnden das end des Kins / die 4. linien bleibt ledig stehen / die 5. linien zeigt hinden an das end des Augs / darnach ist das ohr so lang die Nas ist / doch theile ich dasselb Feld dar ein / das ohr kompt mit einer auffrechten linien in der mitte von einander daß das ohr so breit wirt als die halb vierung ist / der halß ist vnden der 2. theil an der vierung dick. Nun theil ich an dem vorwertzen angesicht die 2. mittlern theil / ein jeden mit 2. auffrechten linien in drey gleiche theil / auch nim ich bey der mittlern linien dieser vierung / auff jeder seiten der drittheil eine / zeigen mir dieselben zwo auffrecht linien innen den Anfang der Augen vnd vnden aussen die Nasballen / vnd die weitte des mundts ist der Aug eins der drittheil zwey lang oder weit.

Dierweil




Nun theil ich
gleich die es
das vnd / dann
men schritten si
in den theilern





Dieweil ich dir das Kinde in seiner Proportz hab vorgerissen/
 wil ich dir es auch mit seinen schnitten auffreissen / wie den mañ
 vnd das weib/ damit du an allen dreyen bildern sehest/ wie ein jedlichs
 in seinen schnitten sich helt im bigen vnd wenden /vnd wil dir den rück-
 gradt in den theilern zeichnen mit runden Kinglein.



℞ iii

Von der Proportion

D Weil ich dir nun die Proportz/als den Mann/das Weib vnd Kind/in jeren theilungen hab vorgemacht / wil ich dich dieselbigen auch in jren surnembsten theilen lehren auff das schlechst zu biegen vnd wenden/ wie ich den vor oft gemeldt hab/ So du aber nun lieber Zünger in diesen dreyen theilungen die Proportz in sinn gefast hast/ vnd aller theiler so ich dabey hab auffgerissen/wol acht genomen/wirt dir denn das biegen vnd wenden hernach gar schlecht sein / aber doch soltu wissen/das ich dir die drey bilder nur gar nach der seiten/vnd gar forwertz/so viel sie sich biegen vnd wenden können/wil anzeigen/darin du nur in dem das dir zu einem Anfang einer gemeinen Proportz gehört / hierin magst lernen/ So du dann ein Lust hast etwas weiters zu lernen / Wirdt dir das am besten sein / das du dich auff das Conterfehten begebest/ wie ich denn vor auch oft angezeigt hab/ denn an dem selben kanstu sehen/wie der Leib sich wend/das doch mit viel ist/ so du desselben wol acht nimbst/den in den viel gelenckē im Ruckgrad/ wendt sich der Leib ein wenig/ aber die beide arm geben mit jren schulterbletern am Leib hinder sich oder vorsich ein grosse windung/ so du des todts so ich bey des Mañs Proportz gemacht hab/wol acht nimbst/ wirt dir dasselbig in disem biegen vnd wenden der bilder gar wol dienen/ wiewol ich bey dem Weib kein Todten gemacht hab/ wil ich dir doch dasselbig anzeigen / damit du desselben auch acht nimbst / den an dem Weib ist oben das gebein der Rippen vmb die brust schmāler vnd dünner denn am Mañ/wiewol es alles an dem Weib von gebein zartlicher denn an dem Mañ ist/ vnd alles darnach wol mit fleisch vberzogen/das jr gliedmaß fein rund/glat/vnd zart wirt / Ich zeig dir das nur an dz du das Weib in seiner gliedmaß wissest lieblicher zu machē/ denn am Mañ/wiewol man auch Weiber findt die in jrer art so grobe gliedmaß haben/als ein Mañ/aber des Mañs Leib ist hart von fleisch vnd beinen/vnd zeigen sich die Musculi hart an in seiner gestalt.

Nun wil ich dir die drey bilder des Mañs/Weibs vnd Kindts zusammen stellen / vnd die Proportz auff das schlechst machen zum biegen vnd wenden/ daß du siehest/wie die drey theil am Mañ als vom achsel gleich biß in das hüftgleich / vom hüftgleich biß ins knie/ von mitten dem knie biß vnden auff den Fuß sich gegen des Weibs theilen helt/

So ich

So ich nun der bilder eins wil stellen oder machen / als den Mann zum ersten / so mach ein gerade linien kurz oder lang wie das bildt sein sol / vnd mach mit vier puncten oder zwermlinien / drey gleicher theil / der oberst punct oder zwermlinien gibt das achselgleich da die arm ingehen / die ander zwermlinien gibt das hüftgleich da die bein ingehen / die dritt zwermlinien gibt das mittel des knies / die vierdt zwermlinien gibt das gleich auff dem Fuß / wie ich den vor oft dieser dreyer theil hab heissen dich acht nemen / den so du diese 3. gleiche theil hast / so hastu das fürnembst an des Manns Proportz oder leng / Nun aber so theil ich den obern theil mit zwey punctē in drey gleicher theil / nim der selben 3. theil zwey oben hinauß / das gibt mir den kopff vnd halß / geben mir dieselben 2. puncten der ober die Brust / der ander den Nabel / darnach theil ich den vndern theil in 5. gleicher theil / derselben 5. theil einen nim ich vnde hinauß zum Fuß / so hab ich die ganze Manns leng / Nun hencf ich die arm oben in die achselgleich / gehet der Elnbogen biß in die weich / das förder theil sampt der hand gehet ein wenig vber das halb theil / des mitlern theils das ist biß vber die dicke ob dem knie / so ich dise linien also von freyer hand gestelt hab / so zihē ich die gestalt des Manns drein vnd sihe daß ich in nit zu dick oder zu dünn mach in seiner Proportz.


Zum andern so mach ich zum Weib auch ein auffrechte linien / vnd mach auch drey gleiche theil / doch sol dz ober theil ein wenig lenger sein weder die zwey vndern theil an den beinen / wie du den in der Proportz vorhin wol gelernet hast / Nun theil ich der vndern theil eins in 3. gleicher theil / vnd nim derselben 3. theil zween oben hinauß zum Kopff vnd Halß / so hab ich die ganze leng zum Weib / darnach hencf ich die zween arm in jr achsel gleich / wie an dem Mann / zihē den die gestalt des Weibs auch auff das lieblichst darein / nit zu dick noch zu dünn.

Zum dritten wil ich das Kindlein auch in seiner linien hieher stellē / doch brauch ich die 9. theil / wie ich dich in des Kindts Proportz im anfang gelehrt hab / vnd du hie desto bass sehen kanst / wie ich es meine mit diesen linien / zum biegen vnd wenden / vnd wil denn an disen linien die gestalt des Kindts drüber ziehen.

Wenn man aber das Kindlein wolt zu diesem Weib stellen / als ob es ein Cupido bey der Venus solt sein / so wer es nach seiner Kindischen


Von der Proportion

art am besten in der höhe / wie der strich so hie zwischen dieser Figur
gezeichnet ist mit de Kreuz / dz den ein drittheil ist von des weibs höhe.



Hemit wil ich dir den Mann vorstellen / ganz forwerts / vnd im
die schenckel bis an das hüfftblatt ganz gerade lassen / vnd wil im
den Leib so viel es im möglich ist / auff die ein seiten biegen / damit
du auch sehest / so du ein possen stellest / das du im nit vber sein vermögē
zu vil thust / aber so er die schenckel auß der auffrechten liniē läßt gehn /
den ist im wol mehr möglich zu thun / das er sich wol biegen kan bis zur
erden / da sihestu auch / wie an der ein seiten sich das fleisch in ein-
ander druckt / vnd an der andern seiten sich auß einander zeucht /
darumb


darumb ich dir den Todten also darbey mach/dasß du der vierungen so ich bey dem Todten auch gemacht hab/acht nemest/vñ wie sich das gebein auch zusammen druckt/denn darauß wirstu die bilder fluxs vnd gerecht lehren stellen.



Also wil ich dir in auch nach der seiten vorstellen / dasß die schenckel bisß in das hüfftgleich sollen in iren linien stracks bleiben / vnd sol sich der Leib vorsich biegen so vil in möglich ist/ doch soltu alle mal desß Todes vnd der vierung acht nemmen/wie sie sich an der ein seiten in ein ander trucken/vnd an der andern seiten sich auß einander ziehen.

SS

Von der Proportion



Vn hab ich in sampt der vierung in seinen schnitten auch auffge
rissen/vñ im den Leib oben so viel im möglich ist/ hinder sich gebo
gen / das er vnden auch die schenckel biß in das hüfftlat geradt
beheldt/vnd den bossen mit seinen vierungen darbey/da sihestu wie sich
der Leib fornen auß einander zeugt/ vnd hinden im Rücken sich in ein
ander drückt/darzu an den schenckeln vnd Armen auch.

Auch


Vch hab ich ein
den linien des be
stehendert/vñ



Alch hab ich ein zum lauffen gestelt/ vnd die vierung darbey/ mit
den linien des boffens/ zum biegen vnd wenden/ das du siehest/ wie
es sich verendert/ vnd das du dasselb lernest wol behalten.

SS ij

Von der Proportion




Vn hab ich den bossen in der lini allein gestelt / wie ich dich denn
der allezeit in der Proportz wol hab heissen acht nehmen. Also



DEs hab ich das Weib vortwertz auff die ein seiten oben so vil gebos
 gen als ir möglich ist / da die vnder linien bis in die Weich gerad
 bleibt / wie du es in den linien hie siehest auffgerissen.

SS III

Von der Proportion



Hie hab ich das Weible auch nach der seiten gemacht/ vñ die gleich
 gezeichnet mit runden ringlein/ vnd darnach die blindlinien da
 rein gezeichnet/ vñ hab ein kindlein darben gemacht/ das denn die recht
 groß zu diesem Weiblein hat/ wie ich denn vor auch in der Proportz
 gemelt hab/ mit dem strich der gezeichnet ist mit dem Creutz.

Die weil ich

Das
 fer
 das schle
 wenn ich
 fleisch ob
 das du de
 einander
 gegenein
 darnach in
 gefest.



Derweil ich dir aber vorhin dise bilder alle biß hieher hab also vor
 gestellt/ darauß du wol wirst verstande haben/ wie ich es mit dis
 ser theilung zum biegen vnd wenden meyne / hab ich doch auff
 das schlechß noch etliche stellungen dir hiemit wöllen vormachen / als
 wenn ich ein Todten stellen solt / vnd denselben darnach wider mit
 fleisch oberziehen/ wie ich denn vor in der Proporz auch gemeldt hab/
 daß du dessen wol acht nehmen solt / wo sich das gebein am Todten in
 einander truckt / vnd auß einander zeugt / darümb hab ich hie irer zween
 gegen einander gestellt auff das schlechß mit iren blindt Rissen / vnd sie
 darnach in den Hauptstrichen wider mit fleisch oberzogen / vnd hieher
 gestellt.



Wiso hab ich noch jr vier mit den blindrissen in einander gedruckt
 hie fürgestellt/ vnd alle darnach wider in iren hauptstrichen mit
 fleisch vberzogen/ auß dem du denn wol sehen kanst / wie du allerley
 seltsame art stellen solt zu deinem gefallen.

Nun wil



Drum hab ich vier Kindlein an einander dancet / also in ihrer Proporz auch auff diese weiß / wie die Todten in ihren blindrisen gestelt / vñnd hernach wider mit fleisch in ihrem hauptstrich vberzogen / das du denn also diese Kindlein in ihrer Proporz kanst auff das leicht zum biegen vñnd wenden lernen stellen vñnd machen / wie die andern bilder.

N ij

Zum

Von der Proportion



Im letzten/hab ich hie auch noch ein ganzen abgestolnen bossen auff
 men hohen grund gelegt/damit man ihn desto besser sehen kan/doch
 wird ein solcher boss durch die Perspectiff gemacht/ So du ihn aber
 wolst nach machen/ musiu den bossen in seiner vierung zum bossieren
 darzu brauchen/ wie ich ihn denn offte in der Proportz hab vorgestelt/
 denn in denselben vierungen kansu ihn durch die Perspectiff zu wegen
 bringen.

Anfang



Anfang der Proportz des Rossz oder Pferdts.

Dieweil ich aber diese vorgemachte Proportz von Man/Weib vnd Kind/dir auff das einfeltigst fürgemacht hab/ vnd es auch darben hab wöllen bleiben lassen/ wie ich deñ oft in diesem Büchlein gemeldet hab/ das ich alle ding auff das kürzt hab wöllen anzeigen/ vnd aber mehrmals daran gedacht/ das ich dir/ so du in dem allem so ich hie handel/ ein freyen lust möcht machen/ damit du doch dein verstandt in allen dingen erlustigen köndtest/ denn ich dir zu guten treuwen sollichs alles zu gut mittheile/ Dieweil man aber auch zu zeiten ein Rossz oder Pferd sol machen/ wil ich dir auff das einfeltigst vnd schlechst ein meinung anzeigen/ das du bald kanst ein Rossz stellen/ doch wil ich dir hierin kein gewisse maß

Von der Proporz

oder Proporz fürschreiben / denn man findt vngleiche art der Proporz vnder den Pferden / es hat schier ein jeglich landt sein besonder art / als die Italianischen Pferd die gantz hübsch sind / mit runden vollen leiben / kleinen köpffen / vnd rahanen schenckeln / darnach die Türckischen Rossz sind auch einer durren art / mit langen hälsen vnd beinen / demnach die Datterischen oder Moscovitischen Pferd / sind auch einer sondern art / kurz von beinen / vnd dick von leiben / Item die Frisischen Hengst seind auch einer andern art / die groß vnd starck von leib vnd schenckeln sind / denn ich hierinn nichts gewiß kan handeln / denn die Pferd sind alle durchauß schier vngleich.

Diese theilung zum Rossz mach ich also
auff das schlechste.

Im Ersten / mach ich ein zwerglinien so lang vngesehrlich des Rossz leib sein sol / daran setze ich neun gleicher theil / hernachmals theil ich dieser neun theil noch etliche in zwey theil / so viel ich der bedarff / damit ich das Pferd desto genauwer kan theilen / Nun laß ich den mittlern neunnden theil auff der zwerglinien stehen / so bleiben mir auff jeglicher seiten vier theil mit fünff puncten / nim also ein Circel / setze in mit dem ein fuß auff den mittler puncten in den vier theilen / vñ setze in mit dem andern fuß heraussen auff die eussersten theil / reiß also zween Circelriß / einen fornen den andern hinten / das der vbrig neunnde theil in der mitte darzwischen stehen bleibt / so gibt mir der fornen der Circelriß fornen die dicke der brust vnd des leibs / der hinder Circelriß die dicke des rücks vnd des schenckels / Nun mach ich am fornen Circelriß durch das Centrum ein auffrechte linien / vnd da sie oben den Circelriß antriffet / da mach ich ein puncten / denn da fahen die halsgleich an / vnd setz also $\frac{3}{2}$ theil / die auff der zwerglinien stehen von diesem puncten obē am Circelriß in ein bogen nach einander hinauff / das gibt mir die leng des hals / darnach mach ich den kopff gleich daran
drey theil

Drey theil lang/ Nun nim ich ein Circel/ setz in mit dem ein fuß in die vorgemachten Centrum im Circelriß/ thue in auff das er $1\frac{1}{2}$ theil erlangt/ reiß also ein viertheil eins Circels/ setze also im fordern Circel drumb gleich für die vorgemacht auffrecht linien in diesem Circel/ drumb ein puncten/ das ist oben das gewerb im bug/ darnach nim ich von diesem gleich biß mitten in forder schenckel $2\frac{1}{2}$ theil/ vnd von dem mittelern gleich biß an das vnder gleich auff dem fuß auch so viel/ von denselben gleich ist der fuß lang ein theil/ also hab ich die leng des forder schenckels/ Der hinder schenckel hat aber ein gleich mehr dann der forder schenckel/ denn er hat oben im hüfftlat ein bein das ist $1\frac{1}{2}$ theil lang/ darnach ist von demselben gleich auch ein bein so lang wie an dem forder schenckel/ nemlich $2\frac{1}{2}$ theil/ deßgleichen das vnder bein biß auff dē fuß ist $2\frac{1}{2}$ theil lang/ vñ der fuß ein theil/ also ist der hinder schenckel in sein beinen an der leng eben wie der forder/ on allein es das ober bein im hüfftlat mehr hat.


Also hab ich die maß zu diesem Rosßz auff das schlechft/ Nun ziehe ich die hauptstrich am Rosßz allenthalben auff das best darein/ am kopff/ am hals/ vnd an den schenckeln/ wie ich denn solches mit seiner theilung hieher gestelt hab.

N III

[Faint, illegible text, likely bleed-through from the reverse side of the page.]


[Marginal notes on the left edge of the page, partially cut off.]

Von der Proportz



Also wil ich dich hie dieses Rossz oder Pferd in seiner Proportz auff das schlechst mit den blindrissen lehren stellen vnd wenden/ vnd darnach auch mit fleisch in seinem hauptstrich auffreisen/ das du denn sehen kanst wie ich es meine / Also hab ich hieher drey Rossz gestelt/ eins vorwertz/ vnd eins hinderwertz/ auch eins ein wenig nach der seiten/ daran denn du mein meinung mit dē zweyen Circelrissen/ wie sie in einander oder neben einander in irer stellung kommen/ sehest/ vñ das du auch darnach wissest das Rossz in seiner Proportz also auffzu reissen.


Zu weiterem



Zweite ein verstande hab ich noch zwey Kossz also mit ihren blind-
 sissen hieher gestellt/da sihestu/ wie die zween|Sirkelriß fornen höher
 komen/ die well diese zwey Kossz springe / do s du si. wissest auff alle
 gattun zu stellen/ denn wenn das Kossz so't fornen nider fallen / so kan-
 stu wol ged. ncken/ das du die Sirkelriß auch fornen nider fallen/ so kan-
 stu wol gedennen/ das du die Sirkelriß auch ornen solt nider machen/
 Nun hab ich diese zwey Kossz auch mit iren hauptstrichen im fleisch hie-
 her gestellt/ Ich verseehe mich nun/ du wirst auß dieser meiner stellung ein
 guten berichte finden/ das du ein Kossz oder Pferd nach einem gefallen/
 wie du wilt/ kanst stellen vnd auffreissen. Also

Proprietat
 vnd
 das du den
 Kossz
 vnd
 die
 hauptstrichen
 im
 fleisch
 hieher
 gestellt
 hab
 ich
 die
 zwey
 Kossz
 also
 mit
 ihren
 blind-
 sissen
 hieher
 gestellt

Von der Proportion



Also will ich hiemit das Büchlein auff dismal beschliessen / vnnnd ein
Nieglichen liebhaber zu dieser künst freündtlich gebeten haben / das
er solches geringes werck von mir im besten wöll auffnehmen / denn
ich ja das / so ich hierinn an tag thue / nicht auß hoffart oder stoltz thu /
sonder ich wolt / vnnnd wer meins herzen wünsch / das ich köndt helfen
vnd rhaten / womit / vnnnd wie man doch der lieben jugendt in allen ehr-
lichen künsten möcht ein lust machen / damit sie doch ihre gute zeit nicht
obel anlegten / sonder das sie doch dahin gehalten würden / das sie bey
guter zeit etwas nützlichs möchten lernen / vnd alle vnnütze vnnnd leicht-
fertige sachen fahren lassen / wiewol ich hoff / es werd mirs keiner zu vn-
gut auff

deß Koffz oder Pferdts.

gut auffnehmen/das ich/als ein vnerfarnner/ein solches an tag thue/das weiß ich aber wol/das jr vil sind/so solche vnd alle freye künst/wol können/vnd erfreuwen sich auch zu zeiten in anderleut künsten/ darinn sie iren lust suchen vnd haben / da sie aber oft vnd vielmals einem andern mit irer kunst/die sie von Gott haben/ auch dienen köndten/so sind sie gleichwol so hart in irem hertzen / da sie schon mercken vnd sehen / daß sie einem mit ein geringen stücklein können helffen / vnd im ein freyen lust zu solcher kunst machen / aber ehe sie es theten / sie schlossen ehe alle thür vñ Kisten zu/damit ja niemandts vñ in etwas gewar würd/Was were es den nun auch/wen einer alle die künst könte/die auff der gantzē Welt weren / vnd hette sie all allein in seinem Kopff vnd hertzen/ vnd möcht keinem Menschen nichts darvon gūnnen / vnd ließ es auch also bey im erfaulen/ Darumb ich hiemit einen seglichen wil gebetten haben/ das er sein Sentenz wölle sagen/ was ein solcher Mensch vor ein Creatur sey.

Dieweil mir aber Gott (dem sey lob vnd danck) sein gnad in solcher kunst ein wenig mitgetheilt hat/ hab ich dasselb klein pfundt nit wöllen in meinem Schweißthuch behalten/sonder hierinn so vil auff diß mal wöllen an tag geben/vñ wil alle hochverstendige künstler in diser vnd allen andern künsten hi. mit freuntlich gebetten habē / ire freie künst/die sie von Gott haben/ der lieben Edlen Jugend dieselbigen doch inen auch hertlich mit zutheilen/den man ja deß guten nimmer zuviel thun kan / Wil also hiemit alle liebhaber diser vnd aller andern künsten / auch die liebe Jugend so lust zu der kunst hat / in den schutz vnd schirm Gottes befohlen haben/Gott sey lob vnd preiß in ewigkeit/ Amen.

E N D E.

Gedruckt zu Franckfurt am Mayn/ bey Georg
Kaben/ in verlung Sigmund Feyerabends
vnd Heinrich Lautensacks.

M. D. LXIIII.

T.W. 96.

